

澄蘭室古緣萃錄

澄蘭室古緣萃錄卷十八

古虞 邵 萃 輯

碑帖下

宋榻澄清堂帖

按澄清堂帖三卷載庚子消夏記退谷侍御有跋即此冊也
第一卷十四開右軍帖二十二首題澄清堂卷一王右軍甲
一王右軍帖卷一共三行楷書第二卷首題澄清堂帖卷三
王右軍丙一王右軍帖卷三共三行楷書共十八開右軍二
十九帖末一帖存一行下缺第三卷首多一行即二卷所缺
者下題澄清堂卷四王右軍丁一王右軍帖卷四三行楷書
共九開右軍十一帖內有戊五等字知為四五兩卷殘帙合
成者墨拓不甚濃厚而周規折矩筆法宛然宜為北海所寶
持也一卷首頁上有北平孫氏朱善旂印翁方綱石堂心賞
高書勳印破帖主人六湖萬泰賜書樓仕成吳雲品齋過眼

金石文字書畫印共十印帝邊上有臣天池印德金珍秘楊
宜治印都江李氏文房四印又印一欽差大臣問防朱頁上
有浮石山房蘇鄰鑑藏二印二卷首頁有北平孫氏朱善旂
印高七跋仙銑嶺世家破牘庵主臣天池印子韶審定八印
紙邊上有六湖仕成都江李氏文房三印又印一廣東廣西
關防朱頁上有藏之海山僊館蘇鄰鑑藏二印三卷首頁有
孫承澤印朱善旂印書勳印信破仙讓井六湖德金秘藏都
江李氏文房白河漁隱九印帝邊上有臣天池印潘氏德隅
珍賞二印又鮮能知味齋六印末頁有北平孫氏杜邨六湖
潘氏德隅珍賞書生五印退谷戊戌五月七月兩跋裝牘前
上有杜邨石堂高復成印劉正宗印四印六月己亥四月兩
跋裝牘後上有書勳虛白山房杜芝閣符銑嶺書生高字胡
靈印共五印又潘氏海山僊館一印又定軒印倒一卷首頁
是有介皆書二行三頁邊有吳平齋跋末頁上有退谷跋末
卷末頁邊上有潘題小楷三行牘上有介春五銀書跋二行
副頁表跋一則皆敘錄于左
澄清堂牘乃李後主令徐侍中鉉鈎摹上石者宋太宗見而
悅之因刻淳化牘以敬之至於神骨風致固非王侍書著所

能辨耳 戊戌五月廿五日退翁記于楊村舟中

吾行年六十始知草法日取澄清堂帖披閱覺二王帖十七

帖俱速拜下風矣 戊戌五月廿六日泊舟河西務識

右澄清堂帖三本皆右軍書鈎摹之妙如類上益三毫帖至此

天下之能事畢矣吾一日數十展愈覺取之不盡也 戊戌

六月廿四日中伏閱於藤花樹下 退翁

書家草法宜入規應矩力能挽腕處、傳筆為佳所謂忙中

不及作草也此法惟右軍獨據其勝而澄清堂帖悉傳其神

七月初五日退翁

澄清堂帖世不多見近見二本乃為信父所得頗足惜惋

己亥四月記

此為羅觀寨六湖所藏道光丙午季冬一日歸余海山仙館

自愧素未學書負此寶刻敢以獻之介翁師相庶名拓得所

歸云 受業潘仕成敬識

吾行年六十獲此珍寶足慰生平以娛昏邁道光丙午嘉平

介春題

澄清堂帖誠罕世之寶茲因籌捐軍餉能不割愛耶 癸丑

三月宗室耆英記

此帖今為阮言主人所得乃墨林之星鳳也甲戌夏六月余
借讀再過時益蘭咸開覺一種幽芬与古色古香透溢几席
欣題數語以志眼福 退樓吳雲書於金石壽世之居

西家新跋

澄清堂帖傳是南唐李後主命侍中徐鉉所鐫又宋人謂為
賀鑑摹勒者陳香泉題跋中云是帖別有清真輕越之度今
觀此榻香泉之說信然所存有甲丙丁三卷餘未獲全惜世
難多購然即此亦足大觀於淳化大觀絳潭太清樓諸榻為
遠勝也乾隆癸未辰重九後一日觀於破帖主人之惺然堂
錢唐義門六一菴尊生

吳雲

按孫後羅前近二百年只此一跋流傳之緒遂不足徵
在京師時聞李惺吾得澄清帖二冊欲注觀未果逮得此帖
惺吾已不在都無從印證不知其二冊即退翁所云為信父
所得之二本否它日重定當索校一回

此帖介春先生有重摹本曾于松江耿伯齊部郎處見之對
勘尚能不失規度其石不知尚存否

前附頁上有一簽楷書二行曰南唐李氏祖拓澄清堂東替
右將軍王羲之法帖三卷賀知章摹徐鉉刻海內祇存五卷

傳之其人永守勿替共四十二字無印章款識蘇部記為得
天司寇不知何據字多歐法却類司寇少年之筆也

澄清堂三卷目錄 附校勘 蘇部丙子中春記

意太為司物 淳化第六神采速避

司如信錄 淳化第六弱甚 中郎二字提行 二王帖一行

以二行果三行忽漏四行重因出均悞

去之六數勢 淳化第六分行為兩至大錯引小餘神采六

速避

耳從生一日 淳化第六末行二字分失神餘起收均笨

若為甲乙六 淳化第六挽弱

重重區者如此 淳化第六 且夕考之 淳化第六韻短

法法益區者如此 淳化第六 薄弱分行為割裂失神 二王

帖二行互錯情錯三行如錯三四五行分行為神速避

得之六梅罰 淳化第六一行果不為注三行出大錯 二

王帖二行透錯是旁書三行互錯四行去帝錯

身有七尤 淳化第六二行為三行雙錯嫩 二王帖一

行有錯一無渴筆二行為錯餘均乏神采

若之六為法 淳化第六二行為仲五行而錯

之字周有為 淳化第六結體差 二王帖一行不介錯二
行人亦未錯 三行與前君平一行接連大錯

昨得題廿六日 淳化第六首六字弱
羲之白奉告聖 淳化第六行款別選此以下隸勢缺捺

二王帖送此鯉魚與羲之白相連
廿二日羲之報 淳化第六一行羲二行書甚均錯

四月廿三日羲之報 淳化第六一行書錯二三行可別之
刀均錯

三月廿五日羲之報 淳化第六二行第六七三行第四均錯
四月五日羲之報 淳化第六羲錯二行至下無點三行第

一字缺
象像乃生 淳化第六筆結構上錯

右王右軍帖卷一甲
不實它日

世相清和士人 二王帖結構波磔均速避
更此不可得 以爲此 一日華之有 乃王人系美 二

王帖薄弱
便大誤 二王帖神韻速避

此書因開卷時 重校過 以而 二王帖一行相波
人二行末均錯 神米遠避

中鈔如 二王帖四行 更錯通體軟俗

左序 潘化弟六氣濁 以去去六日 以飛去 以去以
一以時安西 十一月四日 華之白 用為何 不日

觀多 家月末 二王帖 一錯

此今通以定國 二王帖作兩行 分行錯神亦避

華之白 時安西 二王帖二行 首一字及付字均闕 神避

如兄子 二王帖一行 二不 能讀錯二行 相亦 錯餘皆失

尊夫人 二王帖一行 尊錯二行 一錯

右王右軍帖卷三 丙 三月十六日 兩帖帖 右王右軍

蘇之振云 戲鴻翻刻起收筆俱單欠渾 二王帖通失神

二月廿日 戲鴻翻刻第二行末字缺、 第五行末字缺

源日有出 戲鴻翻刻第三行末字缺、 第五行末字缺

中 戲鴻翻刻第二王帖通體失神結構六錯分行亦大錯乃知此

前至江蘇 戲鴻翻刻第三行末字缺 戲鴻翻刻第一行末字缺 第二行

十二月六日 戲鴻翻刻第一行末字缺 第二行 戲鴻翻刻第一行末字缺 第二行

收筆缺留、 四行末字缺 戲鴻翻刻第一行末字缺 第二行 戲鴻翻刻第一行末字缺 第二行

六字 中 戲鴻翻刻第一行末字缺 第二行 戲鴻翻刻第一行末字缺 第二行

右王右軍帖卷四 丁 戲鴻翻刻第一行末字缺 第二行 戲鴻翻刻第一行末字缺 第二行

蘇都校勘所輯頗細俱另紙書附帖後然費苦心為之附錄 于後亦足為攷證之資帖內硃書釋文皆退谷先生筆

宋拓淳化閣帖

閣帖祖本不可見得一殘頁亦可想見全冊之古茂非它本所能及此冊首頁題歷代名臣法帖第二然張芝書止一開

第二開乃八卷中右軍伏想清和帖送第二行桓公以下六
 行運民帖二行頌為此帖二行第三開乃右軍得書知問帖
 送三行脩字起以下五行一昨得安西帖二行一字轉久帖
 三行十一月四日帖四行不審復何以十行月半哀感四行
 知彼乃尔四行一昨得安西三行如兄子書三行奉黃甘四
 行尊夫人三行口五行至七開止第八開下又第二卷王
 導書然在以下五行導白下四行九開王珣書三月四日四行題
 行何如僕四行今欲出三行十開王珣書三月四日四行題
 王虞知審下三行則又都超書以下街璿書六行街恒書二
 行共得十一開帝墨極舊筆意尤存古蹟之氣題曰真銀錠
 本以七開中有鉤痕隱可見也首頁有緝熙殿寶祕府胡
 盧印又一押似正直二字一方印不辨又東卿一印帝邊上
 袁桐曾觀下頁題二行二頁眉上題廿字東卿跋在帖尾注
 金小隸書第一開刀挖多處故申生題云然
 物之顯晦有時榮辱亦因之此帖不幸而失其全又不幸而
 落於村童俗子之手然琴煮雀遂至於此不遇有心人其不
 至於覆瓿糊壁者幾希 丙寅八月十七日中生記 思永
 此與真迹何異譏閻帖者想未觀善本耳不足怪也 生

褚墨精古神采逼人望而知為宋拓非徒銀定文是左證也
雖非全璧自是奇珍 丁丑四月漢陽葉志說識于平安館

漢碑宋帖隻立千古閣帖又宋帖之祖也當時刻于禁中搨
賜宗室大臣或遇大臣登二府者始得遊墨本之賜是墨本
本已無多洎後大觀紹興屢次摹刻渾絳臨江支派日歧不
異定武蘭亭轉相鈎勒而廬山之真面隱矣孫退谷時猶及
見賜中書侍郎余深本今又二百餘年求一真本豈易得哉
此冊帝墨精妙筆意古樸細審是木非石也奚必以銀定文
作左證耶 辛卯季秋松年誌

宋遺紙精拓淳化閣帖 瓶麓堂舊藏

此殘葉止九開蟬翼拓字極腴潤第一開唐太宗書五言秋
日數庚信體六行數年宋初九行東都今年別稅草初四行
計二開第三開下唐高宗太子無事初三行過午將審行初
三行卿及文璿初二行第四開又太宗門下中書省初五行
數日宋初五行昨令今早初三行卿昨日初二行唱箭處初
三行錢事初一行六尚書初三行計三開第七開下又高宗

昨日令御勅二行上多至德二日使至知勅七行今遺弘往
勅五行又大字一行計二開又半開陳長沙王書二行龍石
先生題簽曰宋遺紙精拓淳化間帖殘葉吳江楊氏金石印
上下附頁各半葉皆觀經帝宋物也
開者軒帖考云紹興中以內府所藏閣帖刻板置之國子監
首尾與周本悉同當時御府搨者多用遺紙蓋打金銀箔者
也筆畫精神極有可觀後碑工造作蟬翼本且以厚紙覆
板上隱然為銀錠痕以惑人按此拓既以遺紙又作蟬翼即
所謂紹興國子帖即 辛卯九秋松年偶識

宋拓絳帖

此絳帖殘葉共得十七開黃庭經四開蘭亭叙三開空半開
樂毅論海字本二開空半開曹娥碑一開缺上半大令十三
行乞假帖二開半率更道失帖五月中得足下書帖比年守
疾病帖三開半後空半開畢誠狀一開按黃庭蘭亭在律帖
第三卷樂毅書娥在第四卷十三行乞假帖在第六卷率更
帖在十一卷畢誠狀在第十卷此後傳十二卷帖之叙次也

此本十三行上有絳帖卷第六題字則是十二卷之舊拓本也帖上有蘇昌寅印陳氏彥謙鄧文原印趙國世家珍藏等印先大夫舊藏前後均有名鄧鄧字等印此拓紙墨濃厚筆法秀勁圓腴皆他本所不及絳帖之至精品後附舊拓戲鴻堂畫贊一種鍾紹京書李林甫奏二種共四開半六尚可觀

絳帖原刻二十卷至析而為二名是咸十卷仍為二十卷即所稱新絳本六碑二十卷此應未言絳帖者皆然也然余所藏絳帖十二卷大令書在第六此殘本十三行上亦有卷六字未解出于何時偶閱閣帖攷正附載論帖中有絳帖別本十二卷據王佐云第五六右軍書第七八大令書則又與此本不合大約此帖二十卷者摹刻既多真贋莫辨遂擇取精華重勒為十二卷如近世所行本想沿別本卷數以模倣者也然據王佐言別本十二卷歲久不完崇慶初高汝礪為節度使又補完之後復殘缺存僅五十七幅石入晉王府遂不易得頗疑此本即為殘石所出蓋此本卷第六題字已剪開兩裝或本不在此大令帖前六未可知再攷崇慶為金衛紹五年即元年壬申當宋宣宗嘉定五年則此十二卷之絳帖

當摹于南宗之初復補于宣宗之世蓋其然乎此冊中小楷頗類石氏帖體蠟之妙猶是北宋遺法即謂為得帖本十二卷之殘石何不可丙申三月攷記略加刪改

宋拓大觀帖

此大觀帖全冊為味閒軒舊物杜林先生題簽後歸壽樂堂六世至曼如孝廉雖經兵燹不曾失落如保護之功大矣甲申歸里芳如以先世舊藏不欲屬之異姓特以貽余余曰得仍藏之貽安老宅六佳話也在京師知壽陽祁文端觀齋藏有大觀帖數卷為宋拓至精本北還亟詣文恪所求校通帖不在手後遂因循未果此拓帝墨甚舊惟前後題字及中間帖不免有撓配處嘗取明刻寶晉堂帖對校自覺隸之古拓派傳七八百年求其一無殘損固六難也首冊前副頁上有錢宮詹題大觀帖三隸書下款癸亥三月錢大昕題錢大昕印竹汀二印首頁上有奇觀齋氏口成大雅黃士澂印陳氏孝廉汪志伊印中丞之章員嶠真逸宋定真蹟九印末頁有仲蘇程家蔚印臣齊熊印松阿居士四印餘冊同間少一

二方松何公印祇首冊有之
石刻鋪敘云大觀初徽宗視淳化帖板已敝裂且王著標題
多誤詔出墨跡更定彙次并武帝一帖合于西晉武帝後擇
七卷後右軍帖內誤入智永書列在第五卷合首卷古帖三
段併而歸一及躋晉宣於晉武之上之類使先後次叙不紊
迨名目法帖亦然俾蔡京書之及卷首末刻石太清樓下當
時畫出真蹟臨摹定其舛誤非若外方但因石刻翻刊間者
軒帖攷載王澐翁跋賜余深本云道君視淳化帖王著標類
多誤臨摹失真詔出真跡更命蔡京書簽刻石太清樓下其
間更正頗多如子敬授衣一帖已增淳化四十三字與秘書
郎黃伯思所辯正同此刻幾無遺憾每板前小字上題卷數
中題板數下書刻者名長短一體不煩剪裁字畫豐腴自是
一種風景而淡黃藤紙墨色深重夾有紫光下視人間種
蠟真與臺雨帖考又云靖康之變新舊二刻皆淪異地有自
相場中來者已磨去亮字矣按此帖敘次與鋪敘合晉宣一
帖誤列卷尾乃裝誤子敬授衣帖後三十餘字却無四十三
字亮字已磨去當是南宋權場來本明晉府寶賢堂帖多由
宋拓大觀帖摹入其行數字數多回之校勘自知也

附錄翁跋三則

漢之碑宗之帖隻立千古然古今賞鑒皆祖淳化而右大觀
蓋淳化雄厚魄力極大有開國之英風後之刻者不能及也
此帖氣運使然耳惜王著選摹不精点多訛舛此刻瘦者不
礙其雄肥者不失為清勁所以大觀魏體得中也按校精確
亦足以正王著之失二王帖尤極精妙筆傳神儼如右軍
大令初脫腕者其神流韵間綢繆欲活也帖中字完善非
宗拓真本曷能若是觀此足徵徽廟之刻精能至矣前賢奉
為墨王此拓足以當之瀟園先生何緣得此境寶書以誌賀
嘉慶丁丑冬十二月八日北平翁方綱

此原石字羅紋紙拓椎場本也每卷有睿思殿印是當時思
陵訪購椎場初磨去亮字之善本也末有賈似道印為半間
堂舊物無疑帝墨溫潤古香撲人每一開卷心目暢然誠天
壤間延年益壽之神物也居今日學者從此問津得以溯
前賢益與受益匪淺鮮也帖自大觀三年至今計歷七百一
十六年數易其主離而復合不知其幾矣矧今日尚能完壁
無一缺逸是大幸事此帖藏之名山傳之其人凡所在處當
日有吉祥雲來襯護之也蘇齋老人又書

大觀石刻靖康之變盡為金人擄之北去開禧以後有自推
場中拓來者金人磨去庚元亮帖元亮字以巖廣主之諱
此本定為推場之本之明證矣紹興十一年和議成次年正月
即置推場于盱眙是時思陵訪購遺物此拓為審鑒之本無
疑按紹興通和後置推場并盱眙為軍凡推場之法商人資
百千以下者十人為保留其貨之半在場以其半赴泗州博
易俟百物還漢易其半以注大商悉拘之以俟北賈之來其
後又置場于光州棗陽安豐軍鎮而金亦于蔡泗唐鄧秦鞏
鳳翔置諸場皆以盱眙為準二十九年並罷乾道初復行之
可知和議初成之際兩國界禁方嚴此拓當是輾轉訪求獲
于敵境以進御者民間固無從見之迨宣宗以還宗金勢皆
垂弱邊防漸弛於是百貨雜陳是帖始之場肆故曹陶齋以
為未自開禧後也由紹興南渡至開禧七八十年推場尚無
此帖曾幼卿石刻鋪叙成于淳祐戊申己後開禧四十餘年
尚不知有推場本更可見其時此帖未者絕少如景星鳳
麟矣丁丑除夕前十日記於詩境齋翁方綱

太清樓十本裝潢精好雖略有蠹蝕處而檀蠟映古奕々動
人翁學士兩跋書于首冊末冊有汪令聞沈歸愚潘文恭三

跋索值奇昂留觀數日還之六月廿六日振甫錄記
按此云太清樓十卷即大觀帖也以列于太清樓故名

舊拓宣和秘閣帖

此帖十卷皆全首題秘閣帖第幾末題宣和二年三月一日
奉聖旨摹勒上石十卷同第一右軍小楷及蘭亭臨鍾二表
諸帖疑缺黃庭經樂毅論海字本兩種以此中海字本類墨
池堂本也第二第三右軍書第四大令書第五王導至王恬
書十七人第六王弘至王慈書十八人第七蕭子雲至懷素書
十四人第八歐陽詢至狄仁傑書八人第九褚遂良至褚庭
誨書六人第十李白至畢誠書七人通體帝墨完好拓法精
善筆意鋒芒透露氣足神完宋帖中之欽佳本也首冊首頁
上有高氏口成晴嵐解縉仲壽春草堂圖書印李宗鏡印李
氏意西七印餘每種下皆有李氏意西印餘九冊首頁印同
末頁皆有李慎之印柏孫鑑賞二印著錄早見考訂如左
宋秘閣帖前人著錄攷據極詳獨無有及宣和秘閣者此帖
得之李氏柏孫帝墨並舊神采奕々雅近宋拓外另瓶簾坐
六藏有十冊拓不及此有羊城黃中翰培芳一跋云宣和間

漢集取精華別為秘閣帖十卷有宣和印其中所米諸王
帖較備雖王方慶所進萬歲通天帖亦無其影至錄顏魯公
張長史書又在絳帖之上而絕少流傳金石家亦多著錄云
、別無攷據以證之余按石刻鋪叙云元祐續閣帖至徽宗
建中靖國元年畢工大觀初漢因閣帖敘製詔出墨跡更定
彙次刻石為大觀帖法帖譜系云徽宗既刻大觀帖十卷又
以建中靖國秘閣續帖十卷易其標題去其歲月與官屬名
銜以為後帖又刻孫過庭書譜及貞觀十七帖摠為二十二
卷為太清樓續帖夫既合大觀續閣帖二帖為太清樓續帖
是必有太清樓帖明矣鋪叙中既未詳言聞者軒帖考亦只
列大觀帖續閣帖二帖續帖下又注云即太清樓後帖大觀
帖下則云以續帖十卷合大觀帖為大觀太清樓帖是不特
大觀太清樓二帖未分清晰至太清樓帖太清樓後帖亦合
為一矣惟虞舟先生閤帖攷正附有太清樓帖引曹士冕云
淳化秘閣帖雖禁中大災不存而真蹟皆藏御府徽宗朝以
御府所藏真跡奉旨重刻太清樓而參入奇跡甚多其中有
蘭亭者是也因名曰太清樓帖又引法帖譜系注云按大觀
帖大觀太清樓帖今所傳自有兩本而前人多混而為一據

此元祐所刻畢工于建中靖國元年者續閣帖也大觀中重
估閣帖更定位次者大觀帖也此秘閣帖即所謂太清樓帖
也此題宣和二年者或在大觀中刻始至是乃成相隔十年
餘刻時亦不為過久也否則果宣和二年始奉旨勒石則七
年已有裨位之事尚能刻成乎此帖刻成乃以大觀帖十卷
續閣帖十卷益以書註十七帖得二十二卷為太清樓續帖
蓋當時此刻頗為珍重加工精銳以為寶賂前帖故將以前
刻諸帖為之續也如曹士冕所云雖未詳著其勒石之年月
及所收各帖之目而大參入奇蹟甚多有蘭亭者是則此帖
無一不合後人疑不能明只以石刻鋪叙中有大觀帖刊石
太清樓下一語將大觀誤作太清樓帖而以續閣帖為太清
樓後帖于是大觀太清誤作不能分孫退谷遂沿其誤未加深
致而宣和一帖又不經見且未標題太清樓字而太清樓帖
遂佚而不傳而此宣和秘閣帖又以著錄家所未道即見之
上視為泛常無有津、而道者矣虛舟所引曹士冕數語其
為斷帖之功臣乎偶行一河存侯續攷丙申暮春
又按續閣帖經始于元祐五年庚午至建中靖國元年畢工
中歷十一年大觀帖必未久即續刻至大觀三年畢工帖尾

署大觀故傳為大觀帖計劃時六歷七八年此帖署宣和二年三月一日中隔十二年自是大觀畢工後又奉旨更勒此帖其署年蓋皆畢工之日而非奉旨之日也迨至七年金人入寇傳位太子或馬佐德無復有拓帖之清典至靖康二年二宗北去石亦不知竟歸何所以故流傳絕少後人不涉徑見而因有太清之目無已乃以大觀及續閣帖實之然法帖証系固明：指二十二卷者為太清樓續帖非直指為太清樓帖則合之曹士冕所云與証系注云大觀太清自有二本此帖定是太清樓帖無疑至諸系注中猶云大觀帖大觀太清樓帖大觀二字尚是沿相傳之訛耳此則以帖中無太清及者乃以此帖為太清樓帖未免臆斷且安知所謂太清樓帖非即指續閣帖之有蘭亭者是諸系所云大觀帖大觀太清樓帖自有二本其說必可據乎余曰不然曹士冕法帖註系成于景定壬戌距南渡才逾百年其時拓本尚多不應舛誤況一朝刻帖之緒豈有不深考者其所云：必非大觀明矣六決非續閣帖畢工于建中靖國元年者又明矣又據寶刻叢編書譜十七帖皆于大觀二年刊石太清樓下可見此

宣和秘閣帖未刻成時所謂大觀帖續閣帖及書譜十七帖刻石具在直至斯帖畢工名曰太清樓帖然後合前帖總為二十二卷為太清續帖然在景定曹士晃著証系時已云大觀太清二帖前人多混而為一則又何怪後人莫名太清樓帖之為何本乎然余未觀續閣帖又烏知不更有所謂太清樓帖它日待諸家著錄暨各帖相與參校方足以定是非固不敢謂今日之說必無差謬也

元祐續閣帖未之見就大觀帖與斯帖詳校第一冊右軍小楷大觀內只有宣示一表二冊右軍三十一帖大觀有十四帖三冊右軍廿六帖大觀有十帖內有一帖誤裝十卷後四冊大令三十一帖大觀有二十帖五冊晉十七人二十七帖大觀有十七帖六冊晉六朝十人十三帖大觀有五帖七冊大觀有十四人十六帖大觀有七帖八冊唐八人二十帖大觀有二帖九冊唐六人十四帖大觀有三帖十冊唐七人九帖大觀全無以此計之與大觀複者不過十之四曹士晃謂東府真跡重摹而參入奇蹟實信而有徵惟七冊蕭確書與九冊褚庭誨書文同五冊有晉侍中王彬七冊又有梁吏部尚書王彬書文又同必有一失想當日軍書處午奴從藏事

遂未暇細檢也。竭半日之力，校竟誌此。三月望後二日，兩窓無事，將此帖與大觀等帖覆校一過。知此帖所收大觀所無者，律帖多有，續閣帖未見。搨本無從攷，援則當宣和摹此帖時，除御府真蹟外，必多取於諸駙馬。帖或竟詔取墨臨撫，勒亦未可知。近世所行，鮮帖展轉，極刻與舊傳二十卷者，本已不符。則此中現行十二卷，律帖所無者，又安知不即存潘駙馬原刻二十卷中乎？不然，又何以散見于戲魚堂帖中也？凡諸卷校明者，均以硃筆標明，並記總目于各卷後。大約此帖二王書除增入小楷蘭亭數種外，餘較閣帖大觀無甚新異。晉與六朝六都習見之品，所不經見者，唐人各種而已。此固宣和天子好事者所為也。異日能得諸閣帖一種，互相參攷，仿籀林先生閣帖攷正輯為宣和秘閣帖考一卷，詳人所略，亦足補言宗帖家所不及。或亦藏林所樂觀者乎？

大觀為閣帖之嫡派，宣和乃大觀之別支。嘗綜二帖較之大觀，多婀娜而少剛健；宣和多劉健而少婀娜。論氣韻品格，自以大觀為勝。然古茂皆不及閣帖也。余藏有銀空閣帖殘葉，遺帝拓閣帖殘葉，皆古雅可玩。若律帖十二卷，則章溪先生

所謂偽絳帖是也若臨江帖則覆本並与原刻卷數不合帖
止罷弱不足取則大觀宣和二帖當為吾齋中宋帖之冠絳
帖臨江直視之矣戊己間在京師復得二王帖溫熙秘閣
續帖二錢本錄于後聊以俸大觀宣和耳

宋榻右軍六十帖

是帖退谷間者新帖考慮冊古今法帖考俱不載首題右軍
六十帖末署紹興二年春摹勒上石皆隸書卷一第一行題
晉王羲之書共十八帖卷二第一行六題晉王羲之書共十
九帖計三十七帖尚缺二十三帖當是三卷佚其末卷也墨
色極厚帝色頗黃類宣和帖拓法而刻法甚國渾饒古厚之
趣非各帖傳刻諸本所能及也六得之鉄嶺李氏卷一首頁
上有秘府自天祐之吉無不利末希之印遼左高氏伊周藏
書画印四印三頁有高氏書籍印十二頁有伊周高氏珍藏
印勳庭張保勛印三印卷二首頁印同五頁有高氏書籍印
十二頁有高氏珍藏印一印相傳南宋刻有二王帖未見舊拓
全冊此殆是二王帖缺大令書又缺右軍之第三卷者

宋搨淳熙秘閣續法帖

此帖祇第一第五第七第八四冊按淳熙秘閣續法帖十卷淳熙十二年被旨摹勒入石乃南渡後續得晉唐遺墨所摹目見石刻鋪敘此第一卷鍾繇王羲之十五開第五卷李太白胡英李邕白居易書五帖十開又半第七卷李陽冰李德裕畢誠李商隱書九開而多孫思邈秋仁傑顏真卿書及張長史率意帖十開又半是第三卷失去歐陽詢蕭瑀褚庭誨三家併入者第八卷懷素草書廿八開是雖四卷據目錄實有五卷而有鍾繇力命表小楷卷一末又附有四卷明皇批荅裴耀卿等奏狀小楷兩開半惜僅有奏狀失去批荅五卷內顏魯公祭姪文送劉太冲序皆各帖中所不經見者帝白墨厚朕潤非常与律帖漢本拓法相似洵宋帖中不可多得之品也第一首頁有南昌袁氏家藏珍玩子孫永保翰林學士院印錢泳私印五犀審定樹鏤宋定都江李氏文房共六印末頁有張氏琬玩子孫永寶二印裴奏上有袁氏翰林二印又鄭齊未有葉志說宋定記錢泳私印二印對頁上有春湖翁石山先生跋及斌良跋語均初藏臨一印第五首頁南昌袁

氏翰林學士院立羣芳志說李氏等五印末頁張氏葉等三印第七首頁有袁氏翰林二印末頁有張氏二印蘇鄰鑑藏一印第八首頁有袁氏翰林李氏三印末頁有張氏二印立羣錢泳蘇鄰等三印又鈐沙沈樹鏞鑑藏印小山眼福扶山審定武陵華伯子書書四印葉志說一印蘭石先生溫金小楷跋語李跋在第一前副頁上

清熙秘閣帖凡十卷是冊閣第二第六第九第十共四卷各卷亦間有散失三卷內孫思邈秋梁公張長史顏魯公諸帖乃誤裝入第七卷後此帖近時頗罕見雖非全璧而所得過半魏晉以來流風遺韻挹之不盡笠畊同卿鑒藏名蹟甚富筆法曠入古知其得力深矣道光乙酉大雪日臨川李宗瀚觀并識

曩見劉文清公所藏星鳳樓褚黃庭品為諸書第一此奏神韻絕似之宗瀚

明皇批荅雄秀絕倫絳帖集桓山頌獻之書六字駕名大令惜此佚之香光刻之戲鴻堂六僅收前奏不可解也尚先覓此帖目云唐明皇批荅裴耀卿等奏而所列者僅耀卿一疏並未載明皇御批或原石有之此本已散失細審用筆圓厚

聖蒼却無一平筆是深汚右軍書漢者較樂毅諸刻尤精采
余手摹數十通毫不能得其蹊徑行年四十有六日昏手顫
方不成書雖臨池小技亦無可觀其他可想見良足愧夫
道光己丑正月十九日跋 斌良跋
秘閣續帖摹刻視淳化大觀差遜然所收特富固足以津逮
東學笠耕同卿得此宜書之直追古人也 蒲田郭尚先

舊拓右軍十七帖

十七帖刻本最夥王山史謂唐人摹刻与马尾有初字及解
諸勒定者為佳此冊帝墨頗舊筆意均能傳出雖未見澄心
太清諸舊本較之臨江所摹刻者特見圓融是宋單行本之
致佳者帖裝十五開末有初字及解諸題字正帖上無收藏
印後跋紙邊上有祖香所藏花奴秘玩二印
十七帖世侈談之出自臨本未免抵掌優孟轉摹轉勒更唐
無鹽以當西施余每喜孟遷之能書今春過宣陽觀其古硯
冬再過觀此帖孟遷蓄古人筆蹟甚廣當以此第一為思右
軍當時書名矜貴千載之下猶以榻本珍重人間其精蓋有
以冒之也精光所授非其人莫敢余愧前身因淺得見此二

物若有一段奇緣所獲者不偶所藏者不薄不能無嘆于孟
遷矣友披帖而右據硯雖有世玩不與易也其能書有以夫
崇禎壬申季冬月書于宣化客舍 邱園居士嘉彩

十七帖述 華山王弘撰山史著

邱園居士嘉彩

晉會稽內史右軍將軍王羲之字逸少永和十一年稱疾去
郡為文誓墓朝廷以其誓苦不須徵之此帖前人謂皆與周
益州者同名撫字道和永和三年桓溫攻成都李勢降以撫
代母邱與為益州刺史進爵建威公征西督護進鎮西將軍
在官三十餘年有惠政卒蜀人廟祀之帖中多言蜀事又按
淳化帖有一帖云周益州送此印竹杖卿尊長或洎此今送
則此帖謂是與周者可信而中有數帖非與周語未禽帖宋
僧邦詩謂與桓宣武楊用修四川志只載八帖壯州州州
二十有七以第一帖首字名篇故曰十七帖張彥遠法書要
錄云十七帖長一丈二尺即貞觀中內本一百七十七行九百四
十三字是烜赫著名帖也黃長睿東觀餘論云十七帖多臨
本永禪師虞世南褚庭誨臨字皆不甚遠故書有數本皆不
同南唐李後主勒石澄心堂者乃賀知章臨本宋魏泰家有

硬黃本溫熙秘閣續帖亦有刻溫化帖多殘缺今世所傳者雖非右軍真跡然皆出于右軍要皆不及唐人摹刻与尾有

勅字及解諸勅定者為佳也 道光甲申首見書於寶安官

廨長白觀瑞

消夏記云唐文皇收右軍遺跡率以一丈二尺為一摹因首有十七字故名十七帖李後主得賀知章臨本刻之澄心堂大觀中又刻之太清樓俱精工至唐人雙鉤墨跡淺有勅字者萬歷中在京師王思延家濟南邢子愿借之上石上甚蒼勁有致不避宋刻國變後此石不存後人恐未得見也又言李後主刻本於山東人家得之精妙如手書後有悅生印乃賈相所藏也竹雲題跋云唐摹硬黃十七帖前明神廟時藏邢太僕子愿手自摹刻于米禽館為天下十七帖第一比之世俗流傳本少一十五行蓋脫失也此宋拓全本為錫山秦氏所摹不惟与世俗流傳本天地懸隔并与唐摹上微不同如吳之為毛養之為葉不之為不接之為楊筆法全異余見十七帖不下百數米禽館刻本外惟此為最據此此本有勅字是唐人雙鉤本也又有悅生印又似李後主所刻賀知章臨本也然謂唐摹本則行數不缺且与戲魚堂本校看實同

出一源是唐人雙鉤本在宋時固早已摹刻特墨本流傳至邢子愿又刻之失却十五行耳至此本亦有悅生印是否即賀知章臨本則非得澄心堂木太清樓本合校不能證明矣丙申二月望前一日記

秋初于舊山廬見沈均初所藏秦刻十七帖殘頁後有邢子愿跋語行數字數並筆法与此皆不同然有國初諸老跋皆推為致佳本未及携歸細校審其墨法搨法近于明豈邢刻之外又有此種刻于秦中耶

宋拓博古堂帖小楷二種

第一種黃庭堅字計存六行下半五字至二字不等九行上半十一二字至四五字不等二種柳書護命經二十行全按博古堂係翻越州石氏帖此本帝墨極古無異石氏草書先生鑒定知必与石氏帖校看而得附杭本十三行前後二拓黃庭帖上有宏農楊氏世家宏農蘇氏神品繼震神奇建受之印友石經眼共七印紙邊上楊字圓印湯雨生審定書畫印龍山琴隱還請我書齋圖書又雲天膝漫仕五印護命經上有星鳳昭汾釋建受印天平玉佛庵神奇繼震友石經眼

七印紙邊上有神品江南第一風流公子楊繼震印亦復誰
能解此黃氏去塵五印十三行上有楊字方印貽汾繼震湯
貽汾印星鳳神品友石審定世松私印神奇又雲收藏十印
綾邊章漢題洛神十三行杭本七小隸字下跋明長洲章氏
墨池堂一段又雲所藏友石鯁眼二印紙邊上又雲鑒定又
一蘇齋黃氏去塵三印第二種十三行上楊字方印神奇又
雲收藏神品星鳳繼震湯貽汾印黃氏去塵友石鯁眼九印
帝邊上蘇齋鉄雲繼振二印第一副頁有詩境蘇齋摹本六
字題簽乃章漢先生書有蘇陸齋印又楊簡侯晉少谷潘伯
寅題簽三二頁上有章漢手書籤曰舊拓小楷三種四本嘉
慶甲戌仲冬重裱兩旁注宋末重刻趙州石氏帖二種黃庭
渡半護命經杭州玉版十三行一樣二本六舟和尚題簽一
條篆書又兩生蘇魚宏農潯寶天涯乞食人星鳳堂楊繼振
印叔重珍賞黃氏去塵月媽妻徐所掌九印四頁上又雲題
註三帝另粘前後翁跋上有楊字方印二泉山人繼振蔡世
松印友石蓮公又雲秘笈必里宏農又雲收藏蘇魚又雲
荷欵又雲二泉山人壯夫不為古羊舌氏繼振北海蘇齋又
雲蔡友石借閱一過等印計帖四冊九冊翁跋又二間晉唐

數日未喜作小楷偶見此冊前有空紙輒略品定之然此三種皆非其至者

此一冊凡三帖皆稍舊之本若論書品或取柳書護命經耶此與黃庭殘字皆南宋之末不知何人漫越州石氏帖重摹

上石者後宋長洲文氏又依此摹入傳雲館帖昔諸河南親定右軍書目於此楷取三種第一樂毅論第二

黃庭經第三東方畫像贊也三帖皆在宋元祐秘閣帖岳傳翁嘗嘆美之而東方贊後宋所傳訖不得真黃庭惟鼎帖稍

近之非此冊之本也其可彷彿追槩凡之秘者獨有樂毅耳

文衡山精詣全在小楷故其所摹刻諸帖惟小楷最工其鐫者章氏父子又皆良工於古人用筆之妙毫髮不失傳雲館

第一卷晉唐小字多是後越州石氏帖出宋越州石氏帖家藏石墨最富南宋之初洪文惠知越州日撰錄釋嘗假其家

碑刻而石氏此帖至今世傳者絕少孫退谷鑒藏雖博而未見之而退谷撰帖考內云宋人集諸家善本名曰博古堂帖

驗其帖目則即是越州石氏帖也然則此冊內之黃庭殘字柳書護命經及樂毅論海字本洛神十三行之類是皆宋末

坊實兩重摹之博古堂帖數本可借以存石氏帖耳

按此跋非跋此帖者隨意錄之以見博古帖之由來耳

宋越州石氏帖在宋時如曹士冕法帖譜系曾宏父石刻鋪敘載當時刻帖頗詳皆遺漏此帖惟陳思寶刻叢編有之至宋末博古堂帖是尔日坊實以越州石氏帖重刻孫退谷曹修國皆有之而未知其為越州石氏帖所翻也文徵仲在孫曹之前應悉知其來處然如樂毅論黃庭經全本文氏皆莫知其來處何故此黃庭殘本及護命經莫如來處乎樂毅論不全本未缺三短行章仲玉猶知之以摹刻入墨池堂帖不告於文氏父子其由全而缺相傳付受之原委文衡山及二承兄弟皆不知也樂毅黃庭文氏皆取不全本列於全本之次必見其所採之博然樂毅不全者即所謂海字本也宋時極重之文氏特未攷耳其刻此尚有裨益至若黃庭不全本豈惟文氏所未詳攷即宋越州石氏已未著其所自來安得以鑒藏名家所論次与坊實共笑耶是惡得以勿辨

嘉慶乙亥春二月四日石畫軒識

論

褚公所品黃庭經六十行與山陰道士者唐人蓋有模傳之本元祐秘閣帖有之未必出吳通微也又有首尾純七言者

董文敏謂墨池為之放光當見其本實在秘閣之下又有鎮
海本即穎井石刻中間清且涼下脫失一行廿有一字又不
止在秘閣本下矣至若趙州石氏帖所稱黃庭遺字即此內
殘本也不特字多殘失而行次亦略有移易石氏入石時已
不言所自宋後人復何從而推究之所以刻古帖必詳其
所從出之原委及入石之歲月乃為有益耳二月六日書蘇
此黃庭殘本與柳護命經蓋宋末坊間所勒博古堂帖
黃庭經凡六十行此殘本略存者前十四行之下半數字中
間九行之上半數字耳後有辛亥一跋倪瓚為公采題辛亥
是明洪武四年雲林年七十一矣此恐是唐以後別摹者字
視秘閣本較大其第九行第十四行之末皆視原本位置稍
易耳
此黃庭殘本不僅移易行次也即用筆結體亦已多有不同
正與樂毅論殘本相匹對然樂毅殘本屢見稱于歐趙王順
伯諸家而此黃庭殘字未之前聞也
柳書小楷世不多見此護命經在開成二年丁巳柳諫議年
六十四矣此帖本藏作周米元立學柳書金剛經是會昌四
年書又在此後七年則柳諫議年七十二矣

評柳書者推馮宿碑以為可擬虞書廟堂碑然尚不及李西
平碑也若神策軍碑家著稱實亦不能在柳書諸碑之上米
老雖嘗學柳而其論書頗不慊服豈其未見此護命經即
柳公權諸葛祠碑在大楷中却能得黃庭遺意其碑陰亦

公綽書人多忽之

明長洲章氏墨池堂第一卷之十三行泐勢及用筆一依此
本彼是萬歷三十年所摹勒則此在前可知章氏所題王獻
之書四字在嬉字右方者亦即此中書令下之四字雖對
驗如此然章氏所見或是宋時原刻未必是此拓也詳具後
頁

杭本洛神十三行吾家藏軒先生息影山莊所藏石也此本
是其初拓今所罕選矣乾隆戊辰秋七月予讀書于城東育
嬰堂客坐之東軒一日陸鎮堂與同學高湛如深見過談及
楷法高湛如云所藏舊拓皇甫君碑及杭本玉版十三行明
日當時未為贈即此是也自此時臨寫此帖是時年十六
矣始知用意研習小楷至甲辰冬以講官詹事入直西苑直
廬新墜壁院吏鋪素紙為書程子四箴同直諸公謂用杭本
十三行筆意也然此十三行實尚非大令真本所摹刻特

因幼時所習風味如昨是以觸緒記此非果許此為洛神十
三行定本耳 乙亥二月八日石畫軒書

此一本拓稍在後者尚勝近日之本
杭州姚字女學筆篆意也近日翻本失之此其驗也

旗即旗也杭本記木旁壞石四未知其何以異
洛神十三行以今再見品次於左

汝帖僅五行其鐫工稍差今泐壞全不可辨矣就宋拓驗之
止與趙州石氏本同所自出但字稍展放耳自以趙州石氏

帖為正矩可以想見山陰家法宋本翻有肥瘦不同肥者又
非一本傳雲漢肥本出皆趙州石氏所傳此十三行上品次

則唐荆川本董文敏推為天下第一何義門以為宋臨何說
是也重摹有元晏本此為次品矣又如快雪之前一本亦荆

川所重摹又如杭州本雖有盛名當在此諸本下此其再次
品也惟快雪之後一本嘗目驗其墨點不應入於品錄

此洛神十三行杭州本是吾家藏軒先生所購玉石刻與宋
末賁似道刻於于闐碧玉之原本形神絲忽不差向來謂此

即宋時原本也今日藝林所共賞者杭本惟此而已及後汪
孟慈篋得見宋刻本諱著憂世公際

其下下
本原
不似下
始知此是重刻即朱文在云其漢祖四桂老人親見玉工所

錫者也近曰又有翻本姚女旁誤者又不必言矣始見玉工所

川本之大又失本此以推本記此以著杭本之有元晏齋本近有

晉唐小楷品次事正相類甲戌四月六日書示樹崐

上品
樂毅論全本元祐秘閣刻元符間訖工又越州學舍

洛神十三行傳雲館之前一本本南宋末再刻傳雲本

褚陰符經全本越州石氏本宋末再刻傳雲本

黃庭經全本元祐秘閣刻宋末再刻傳雲本

帖摹刻宋末再刻傳雲本

東方畫像贊越州石氏刻傳雲本

又三行此上歷錄觀帖相也所三翻事董氏所刻之本

破邪論序

越州石氏本

宋末再刻

傳雲刻

以上略舉上品晉四種唐三種力命更古更在府姑以供

次品

古拓快雪之力命又在季直下矣霜寒六侯之

樂毅論

不全本

石氏

宋末刻

傳雲

曹娥碑

率更心經

褚西昇經

柳護命經

不全本

再次品

毗陵唐氏十三行

元晏本

宋末重翻樂毅論

江都重刻

杭州本十三行

其餘若七言通幅之黃庭又如顏上黃庭又如贊國戲鴻

快雪之樂毅論概不入此

嘉慶乙亥春二月十一日蘇齋記

編

翁致謂汪孟慈舊河見宋刻晉字日上無泐痕然余見杭

本拓在前者日上尚無泐痕
先生跋中謂杭州十三行即朱文益云其後祖四桂老人親
見玉工所鐫者此說非也四桂老人所見殆翻本耳此杭
本殆即賈秋壑刻於于闐碧玉者此說曾質之同館費此據
此表並言曾見四桂老人所見重刻本後有跋語確非此杭
本此節頗闕攷證不可以不辨
賈秋壑刻於于闐碧玉者何以見即此杭本予所得蘇鄰所
藏十三行兩種其杭州本上有姜西溟題簽曰武林綠石本
則碧玉本杭州本武林綠石本同為一本其為秋壑所刻無
疑也章溪考勘偏旁數處殆所見後拓本而汪孟慈篋中所
藏乃其最初精拓者也一時未及詳宋遂疑此為翻刻而自
汪本為字刻原石予嘗見清儀閣所藏剪本後歸楊又雲者
晉字中實未泐合字無黍米點後有大私羅部二跋又見胡
面生藏本与之同但無後二跋想此二跋乃另石所鐫或拓
時遺之或裝時失去至後拓注、無有者則疑由翁氏售出
將跋石留之亦未可知也

舊榻秘閣二王小楷七種

此即宣和秘閣帖本拓法特見清腴惟黃庭錢石墨色獨淡
予所見星鳳樓舊本亦然此或是星鳳宣和兩帖集成予所
藏宣和帖少黃庭二種十三行一種即樂毅海字本六多圓
勢類墨池堂本与此冊內一種不合其曹娥碑樂毅論全本
東方畫像贊則無絲毫異計黃庭經四開半空半頁黃庭錢
字一開半下空半頁曹娥碑兩開半下空半頁樂毅論四開
半下空半頁海字本兩開半下空半頁畫贊三開十三行一
開半下空半頁共二十三開黃庭兩種及曹娥碑上帝邊皆
有翁題字惜蠹蝕不全

黃庭經

此即王元美所稱秘閣口口口口口口十月方綱識

黃庭錢字

此是越州石氏帖內口口口口口口經翻刻者最有闕于攷證不可
以其口口口口口口視之方綱

曹娥碑

吳門陸允康家有宋刻一石此尚勝之辛酉十月方綱

黃庭經錢字章銘先生只言越州石氏帖暨博古堂帖有之
而文氏據以摹入傳雲館然予所見星鳳樓帖中實有之攷

星鳳帖勒于紹聖三年是尚在哲宗時石氏帖之刻當在南
渡初則星鳳在前矣惟星鳳至南宋時又重摹余所見者皆
南宋本其原刻与元祐秘閣帖不可見故章漢于黃庭目為
秘閣于殘字則目為石氏而不及星鳳或亦一時失攷耳
於眉士處見舊拓星鳳帖六南宋重摹者段歸田校其中心
楷与此冊各種絲忽無異並泐紋線紋六同則此冊出自星
鳳無疑予上得星鳳八冊獨少小楷及大令二冊以此補之
僅缺蘭亭二種暨大令廿一帖耳
黃庭全本樂毅海字本曹娥碑三種与絳帖絕相似按星鳳
小楷本出于絳六可見當時摹勒之妙能不差累黍也
所藏宣和秘閣二冊皆無大令十三行則此冊中之十三行
殆非星鳳即絳矣

舊拓晉唐小楷八冊

此八冊兩次所得前四冊至舊後四冊次之却喜無多重複
集成上心不易方斯記之庶便觀覽

第一冊黃庭經四洲四行樂毅海字本兩洲二行予定為舊
絳本拓法不甚濃厚而神氣特勝黃庭上有淳陽田氏珍藏

金石書畫之印樂毅上有長宜子孫印帖末有古吳平江路
盧世昌歲於雪舫精舍標葉庵主陸鼎觀於墨佛齋中庚申
秋八月澄江孔昭孔旌邑湯銘同觀三行題字有盧世昌吳
郡陸鼎寶漢金金石書畫之印富貴昌宜東古情深五印
第二冊曹娥碑兩開三行東方畫像贊兩開半又一行蘭亭
叙三開半曹娥畫贊六行本蘭亭剛摹定武五字損本未詳
所出拓法亦自佳曹娥帖首有崢陽田氏珍藏金石書畫之
印末有長宜子孫印畫贊無印蘭亭上有懷古情深印印邊
上有寶漢齋金石書畫之印
第三冊洛神十三行絳本一開又二行宣示表三開出師頌
一開半俱墨池堂帖拓極精又馬周等題名半頁三行出師
頌有寶漢金金石書畫之印在帖尾
第四冊破邪論序三開半又一行六舊絳本拓極佳筆圓
渾在傳雲所摹之上墓田丙舍帖一開智永集右軍書兩開
六皆墨池堂帖精拓本曹公小字仙壇記兩開半筆意頗古
未詳所出破邪論首頁有崢陽田氏珍藏金石書畫之印長
宜子孫二印仙壇記末有楊晉子雀王閔之印三印
第五冊右軍臨鍾昨疏還示帖一開有半傳雲舊拓本極腴

戎路表兩開宣示表三開戎路刻不精而有古意宣示頗嫌
不及墨池矣樂毅海字本三開則停雲精拓也還示帖後有
朱之赤鑒定高士奇國書印玉堂清暇田鎮平生真賞四印
戎路表下有辛巖珍賞南昌袁氏收藏二印宣示表上有曾
經卓觀樓藏印及袁氏一印樂毅前有田鎮一印末有袁氏
及田鎮平生真賞二印而虞文衡山印則偽也

第六冊曹娥碑三開半未詳所出拓近舊而刻不精未免有
俗韻也畫贊四開一行墨池堂本拓亦舊而不及第四冊之
丙舍帖集右軍書矣曹娥碑前有真賞辛巖珍賞二印末有
南昌袁氏收藏武進費氏兆銀之印畫贊下有朱之赤鑒定

玉堂清暇田鎮平生真賞三印

第七冊黃庭經八開墨池堂本拓与前冊畫贊略同十三行

二開停雲精拓本黃庭前有真賞辛巖珍賞二印末有南昌
袁氏及田鎮二印十三行帖尾有朱之赤鑒定田鎮平生真

賞二印

第八冊率更心經二開停雲本裴度西昇經八開疑玉烟堂

本心經前有真賞辛巖珍賞二印末有費兆銀印石賓田鎮
三印西昇經前有田鎮平生真賞印末有曾經卓觀樓藏印

右晉唐小楷八冊皆山右田氏所藏前四冊同治辛未所得越三年甲戌復得後四冊雖不及前四冊之精亦皆是舊拓蓋一家之物仍屬一家也計得晉十八種唐四種重者六種而非一本所出前人哀輯之勞良非易余既棠此八冊復多方搜羅更集為八冊題曰蘭雪齋集晉唐小楷以多為貴不能十分精擇其中佳拓正復不少物聚於所好諒哉

舊拓鍾王小楷五種

裝四小冊一冊薦季直表四開力命表三開二冊樂毅論全本十一開半三冊黃庭經十四開四冊曹娥碑六開此拓与傳雲所募小楷相近初頗疑為博古堂帖及細校不能盡符審其帝墨雅近宋拓刻法亦頗饒古拙之意又非明人所能季直表下有悅生胡蘆印彭城開國印力命表下有文府寶傳胡蘆印台州口房務抵當庫記及紹興小璽知此帖必出南宋人手品格當在博古之上也季直表前有大觀清監長甯松石齋四印末有成郭之印子青成氏真賞秋筍山房四印力命表前有大觀清監郭字三印末有成郭之印秋筍山房成氏真賞成氏之印四印樂毅前有李字大觀成氏真賞

清監勤伯鑒定五印末有成郭之印蕭乘鸞印茂苑韓氏園
書三槐堂印清監五印對頁上子孫寶之一印黃庭前四印
同季直表多成氏真賞一印末有子青成子渤三印蕭韓三
槐三印同上曹斌前有大觀清監郭字三印末有秋筍山房
成氏之印成氏真賞成勃子青珍玩五印各冊上副頁皆有
性存堂印

附錄韋漢先生樂毅論攷
樂毅論二種其全文者元祐秘閣本也其不全者高紳學士

家藏石所謂海字本也秘閣本是梁唐所摹南宋初越州學
舍有重刻石視原本稍瘦亦能傳其神理至南宋末此本又
重勒石有人用絹素臨之依其行次結構而筆法稍變此墨
蹟為吳江邨所得刻石于餘清齋董文敏邢子愿王虛舟皆
歎賞推為定本惟張米庵知為宋後臨本耳此是元祐秘閣
本學舍本遞傳之派也海字本者舊刻石已殘闕後半僅剩
三短行末一行止存一海字石被人取為硃高紳學士奉使
道中聞硃聲清遠因買得之其石傳至無錫徐氏至南宋末
石已泐損不可拓矣惟有越州石氏帖所刻是此海字本之
真影至宋末又有博古堂帖以越州石氏本重勒石筆意稍

宋榻佛遺教經

近方板精神微遜之矣然尚在吳氏餘清齋之上也其後博古堂本又失去末三短行長洲文氏遂據以刻入傳雲館帖之第二本自此竟莫知其為海字本矣章氏墨池堂所刻乃是越州刻海字原本為可信也然傳雲館之前本全文實自越州學舍本摹出筆意纖豪具備最能傳古本之真意傳雲館此石後未又屢經重翻則又失之千里矣大約樂毅論全文莫善於傳雲之前一本其不全者莫善於章氏墨池本惟賴此二本足補遺之券耳餘清齋本雖亦有足擇而古法因之一變矣至於鬱岡齋戲鴻堂快雪堂諸本甚至未加褚公系銜有負觀六年奉勅審定之語不知褚公負觀十年以後方出仕豈有負觀六年已封河南郡公之事其帖之偽不待言耳 偶錄拙撰帖考嘉慶丁丑十二月朔八十五叟方綱

此冊摹勒精妙墨光如漆鋒芒透露元氣渾淪看似平常臨寫時一筆不能似宋拓宋刻無疑也帖後無跋不得攷其所自來李氏謂為墨池祖本校勘非也帖裝十一開又半有頁有小茶秘玩傳之子孫李氏家藏三印絹邊上有一衍子印

末有李氏意西小琴眼福田牆之章三印綃邊上有田牆印
模谷二印張跋在前副頁李書數語泥金在末頁帖上
右軍書如鷹翔鳳翥似奇反正不可仿弗董思翁云楷法以
黃庭為宗然予酷嗜蘭亭敘章法為古今第一不特字入
法而天真爛熳波態橫生儂乎化矣真神品也此本乃宋人
搨本既得正平更延險絕不少山陰矩度亦足寶耳余學書
近二十年初學晉人中間復入唐室數年比來又愛宋人愛
博而情不專愈雜愈拙成野狐禪學者能守此帖而細參之
自得正法眼藏矣 雍正八年庚戌六月廿又八日題于廟
子灣權舍山陰情田農張機 之機 之機
此冊的係北宋拓本章氏墨池堂刻即後此摹得並氣韻之
古厚遠不逮此

舊搨佛遺教經

此搨帝墨頗類舊藏絳帖小楷錢葉筆意虛合圓融渾厚必
非後宋所摹各種楷帖能及右軍典型可想見也與墨池摹
本然忽不差其為祖本不必疑也帖裝十開有半內缺一開
自疏離至有智十二行二百二十四字首副頁上有文休承

泥金小楷心經一篇係磁青帝惜金色已褪又解坦居士畫
 尊者像一開首頁上有能坦氏純白之表楊紹和鑒定宋存
 畫室四印末有東郡楊氏海源閣珍藏一印
 右軍小楷若黃庭若樂毅各帖中皆有摹刻本獨佛遺教經
 只墨池玉烟有之宋帖中皆未之見也即所傳越州石氏帖
 博古堂帖專收小楷者亦未之前聞然細審筆法在黃庭樂
 毅間疑非後人所能偽為也若以年代久遠真蹟難憑則黃
 庭經猶有謂為吳通微書者樂毅論猶以為王著偽作者此
 佛遺教經更不足信矣唐舟先生議論極好謂晉唐小楷
 于今日但須向佳惡不必辨真偽但得古雅純質不失右軍
 筆法雖目為右軍可也吾於此帖亦云是帖予兄藏六種李
 氏宋拓本為上此海源閣本次之墨池堂本又次之玉烟本
 軟濃墨池本板另一本字畫拙滯自鄧以下矣
 覃溪先生攷訂晉唐小楷極詳而獨不及佛遺教經章氏刻
 之墨池堂亦不言所自宋遂令後人無可考究此拓實致佳
 本為墨池祖本無疑轉折圓處時露趙法遂有疑為松雪所
 書者然其結構古厚非水晶宮所及也

北宋搨真定武蘭亭叙五字殊字未損本

曩得宋拓醴泉銘聖教序常念定武蘭亭不知尚有真本在世否己丑之秋果得此卷于粵東何氏審知崇兩卷中丞舊藏帝墨古雅流傳有緒雖價重連城足慰生平志願矣趙子固落冰蘭亭松雪跋謂五字已損者與獨孤本無異此乃五字未鏡並殊字未損證之姜堯章偏看考及章溪先生蘭亭攷一、符合誠希世之珍也帖高八寸八分長二尺三分未剪共二十八行後空一行自文公以下題識皆佳惟前後年次多紊特略叙其次錄之印識尤多併記于後而以題首題卷冠于前焉

天際神龍

蘇書

宋旭題

明

北宋拓五字未損真定武蘭亭叙

巢翁老兄屬題

西坡

宋華

宋華

宋拓定武蘭亭帖卷

殊字未損本

脩亭藏

德潛題

宋拓定武蘭亭卷

蘭亭為真行之祖

定武為石本之聖

此

卷流傳有緒真冠世之寶也

咸豐丁巳閏五月廿八日

覺

羅崇恩題

結

世傳王羲之書蘭亭敘惟定武所藏石刻獨得其真乃歐陽詢所摹刻之唐內府者也熹嘗見三本紙墨不同而字脈無異縉紳題者剖析毫末議論紛紛大約奇秀渾成無如此拓陳舍人至湖東極論書法携此本觀之看未後世書者刻者不能及矣亦可為一嘖云 淳熙壬寅歲湖東提舉常平司新安朱熹記

新安朱熹記

之序

至順辛未夏五之望河東張翥觀

之序

定武古本審然如蛟虬變態燦然耀采楮墨間觀者眩目晦

翁先生跋令人追仰前脩凜然興敬

丁未春三月渭漁出

此示觀

東里王冕題

之序

昔坡公題德州士人家藏東方畫贊有云畫贊世多本唯德州者第一君所藏又為德州第一今觀此定州本稊牴真右軍血嗣後有宋賢朱文公題語按歲月迄今已一百八十六年矣文辭筆墨燦然如新而捐工擅蠟豪鋟畢現又是今世所傳定武真本第一予於是帖豈敢妄言哉即以坡公題畫贊之語移贊斯帖歸之渭漁應不笑為溢美也 至正二十七年四月十五日 揭法識

右定武蘭亭惟北宋

慶厯間拓本五字未損最為可貴此本

南宋時藏陳舍人家當時蘭亭諸刻雜出無有能及之者朱文公論之當矣予按南宋紀瀋熙八年八月太子侍讀楊萬里疏舉公等六十八人於宰相王淮之前故公於九月授提舉浙東常平茶鹽而公題帖在壬寅歲是瀋熙九年也此本自宗元以來諸賢題觀皆稱定武的本而文公手澤尤足以動人感嘆欽慕之不已也今南村併予題識拜書於後

洪武壬戌二月陳文東

耕

蘭亭以定武古本為上朱文公謂率更所摹蓋後唐太宗取得右軍真蹟命善書諸臣摹拓分賜諸王近臣當時惟歐陽率真因刻石留禁中一時在外鈐捐者皆它石耳故禁中石流徙至宗慶厯間猶完善如初竟為李學究得之繼經宋景文守定時送其子取石置于庫此本的是當時所補未經薛氏手故五字精完若是而字變化道勁超常正如鳳鳥河圖不多出見於世者也今歸南村藏弄真冠世寶哉

辛未

秋七月廿三日王統議

耕

弘治元年歲在戊申春二月六日許志仁觀

弘治戊午春三月既望徐霖觀

耕

予京所藏蘭亭甚富以此本為連城宜子孫永寶勿替太

原王揮登觀餘題記韓仲
余先宗伯於萬曆甲戌曾得韓侂冑所藏定武蘭亭時余尚

未生及余既長篤好法書遂蒙見賜臨玩最久寢食與俱崇
禎庚午又購得榮芝所藏本二卷皆嚴氏物榮芝本有項子

京印識余聞此本與余所藏榮芝舊本同一手搨出帝墨奇
古神采勃發卷內有朱文公手題前後六有項子京印識可

見項氏藏物之富如此甲子解組歸田心歡煩累復得觀此
合余藏二卷同校於半山草廬三卷同是定武真刻六百餘

年神物今得茲來同聚一室大是奇緣眼福良厚矣喜書其
後 半山老人韓達禧達禧

崇禎甲戌二月金汝鵬觀汝鵬
崇禎辛巳新鄭高瑞隆謹閱瑞隆

己卯六月廿二日與高德元同觀 南陽耕夫樊士寬書禮
蘭亭自昔已多刻本士大夫家輒持一本又演別立一石而

赫、稱道者莫若定武本也真定武本筆：沈著圓勁不露
鋒穎無限天真淡來諸刻所不及也此本是定武原石拓

出無疑歷傳精好宗賢而下品題殆遍迨明季為通政使侯
岫曾所藏時遭革故公在籍集眾守城乙酉秋初大兵克嘉

定公父子三人俱殉國難是帖為公土人拾得予極力搜訪
三四十年来至今冬得之竊思是帖經公秘惜今宛然如故真

有神靈呵護也

乙丑小雪前二日冒襄

是奉慶應舊拓蘭亭真跡既殉則行世者賴有臨本臨本少

則賴有石本石本雜則賴有定本當北宋慶應時定武編為

世寶非青游交舊不可得則今日乎此帖經前賢朱文公鑒

定及元明諸公品題遞代傳寶玩此筆力雄勁姿態絕倫的

是山陰矩度世多刻本皆弗及也我生嗜古有癖每於定武

蘭亭常寤寐相通今一旦見於巢氏先生處足慰平生歡喜

昔陸務觀跋蘭亭云龍乘雲氣而上天鳳皇翔于千仞吾見

舊定本蘭亭其猶龍鳳耶務觀所評如此信為賞鑒家之知

言也夫 吳綺拜題

巢氏先生近得定本蘭亭水繪庵中又增一秘玩間示同好

爭欲奇絕予附諸君子之後得以縱觀何其幸也 金壇張

大心拜手謹題 昔於杜茶村齋中見一楮帖云是諸氏臨本真神物也余快

然興歎愛賞久之今余與巢氏結忘年交數載若盤詩筒時

與唱和吟詠之外追話曠昔如昨日事因述所見諸臨契帖

於巢民之前而巢民欣然出此定武真本見示喜見是本筆
法雄渾比之褚氏專以姿媚取勝者有秦岳邱垓之異巢民
得此豈以風流文采冠絕一時而是帖乃歸之乎桐雨初晴
午窓多暇援筆記之 王士禎

定武蘭亭亭海內寶也巢民風雅士跌宕文酒五十餘年尤喜
作摩挲案書今以暮年而得是帖示吾飲觀竟日因書此為巢

民娛老誌慶 康熙戊辰秋西陂宋華 年
冒巢民先生負鴻博才荐而不仕敦孝友喜法書常與海內

羣公怡情觴詠隱于家園焉家藏定武蘭亭秘惜甚謹今出
以相賞先生謂余曰先賢朱文公手題之本至明季為侯峒

曾所珍撫今追昔文公往矣而峒曾以死節稱嗚呼先賢忠
義之士固為百世敬仰况是寶今存吾家豈不更動人流連

寶惜耶余觀畢喟然歎曰是寶為先生所得幸會也 墨綠
也今先生既知所寶可謂賢矣 康熙己巳八月 樸村張

雲章 錄

康熙丁酉夏月吳門陳震借觀于壽石齋中 錄

丁亥閏七月下潯梁黼顧光旭觀
癸卯正月朱承漢觀 錄

壬寅之秋王奉精舍觀定武蘭亭帖與江邨高氏所藏更勝
止可下真迹一等因鹿_口酬應未能借撫今得觀此頓還舊

觀 癸卯八月卽報記

後學顧贊觀_贊
甲寅桂月雲川吳斯治拜觀_斯
康熙五十二年夏五月廿三日汪士鋐觀

乙丑仲春三原王焯觀_王
小華劉澤溥潤生模觀_潤

河東李猶龍雲起拜觀_雲
沙麓張鴻佑敬觀_張

癸雲山人顧銜舍觀于水繪庵中_癸
田居龔翔麟摩挲展玩竟日

此真定武蘭亭乃逸少行押神品用筆圓潤之中猶存篆隸
骨韻足為學書者百世師也迨唐代歐虞褚薛皆賴以取資
焉而歐虞得之為多餘不過一技一節耳蓋定武本出自歐
臨其九成化度一道一樸實從此而出余觀此本因用油素
復鈎一通並朱文公題跋而藏于家聊慰中心懸系矣題此
還之士榮先生以期他時不作漁父入桃源可也 乙巳冬

山陰潘室

乾隆九年重九日稽留山中民馬之裕觀燕山俞其光後至

亦得同觀

淮陰張紹力臣觀于砥齋

仁和周元理拜閱

己丑夏五嵇璜拜觀

乾隆四十七年仲夏漳浦蔡新觀

金匱秦蕙田觀

乾隆庚戌五月四日程瑤田審定

壬子六月且國借來魏景盒飲觀竟日因記小香黃晚

是奉蘭亭之在世間名未甚顯然趙子固之落水本早已烜

赫茲林蓋以子固心務三四十年之久而終歸所有費券半

萬及歸至雪溪山風追恍覆舟其它不顧而獨持蘭亭一卷

以出其為千古獨癖如此所以傳之悠久也予往亦見於京

邸紙墨亦極昏暗然已翦開數處此本幸未剪裁仍是宗季

用濕墨所拓惟字面獨得其真舉此皆勝落水滴亭也豈易

得哉漫識數語以還曹辛甫文學善藏之異時或能遇落水

本同此相較以證斯語可也

嘉慶紀元秋九月廿八日甘

泉江藩

好

此文公題詞語真簡古而典雅後賢難及觀此如見其人令人遠想千古通統之微皆賴以興實駕漢儒而上之此天之意也久矣今觀公書肅穆渾古通勁端重周旋中禮如王者端冕而有德威六七百年至今尚令人追仰其風範不置懷然興敬蓋公潛心孔子之學時探冥索卒至於道其詞章字畫實有不暇留意者弇州山人云謂公書無意求工而點畫波磔無一不合書家矩矱也即此一為傳播天壤又豈但與右軍蘭亭互相映發而已哉 丙辰十月朔日後學江藩敬識

道元

之記

壬午秋斯澤假此見示得觀生平未觀之寶亦何幸也姚元之記

宋搨定本蘭亭以此為極非具正法眼藏亦難以識其微也癸未春杪

李宗瀚記

好

蘭亭帖刻本雖多各具一體有如人之面馬孫退谷謂昔人評蘭亭如聚訟不知蘭亭之有定式如眾星之有斗羣峰之有嶽也余最服膺斯語今得此未剪真本世間寡二居今日不啻魯靈光之歸然獨存也余家舊存蘭亭數十本得此而

後餘無足觀矣戊申己酉往來秦中曾在書估中買得油素
復鈎六帝業之實送此本出跋尾印識俱如一後欲刊傳不
果咸豐丁巳入覲歸未息一將返山左乃購得此都中好事
咸驚詫深妬余得此本余亦未以示人也唯願從吾所好玩
而老也斯亦幸矣此卷楊蓉舫太守謂相傳巢氏藏其殍
後歸山左曾學海侍御秘不示人乾嘉間為穆相國所得今
歸余嘉孚堂如對名師益友又可作名山勝水觀以窮其標
涉高深之致作絕世佳人觀以挹其幽嫺淵靜之神造化既
我何厚哉丁巳閏五月廿六日覺羅崇恩謹誌
蘭亭為右軍最得意書唐太宗愛右軍書藏至三千六百紙
終以未得蘭亭為憾遂命蕭翼以計取之於右軍七世孫僧
辨才者太宗喜復命褚遂良韓道政馮承素趙模諸葛心湯
普澈等摹拓以賜諸王近臣各一本後歐薛諸家亦相繼臨
撫以歐臨為家肖遂刻石禁中未幾耶律氏興歸中道又棄
之般虎林慶厯間為李學究所得李殍于妓家其子負官緡
時宋景文帥定武以金代翰得此石藏庫中熙寧間薛師正
出牧定武為求者日衆乃別刊一石以應求者後其子紹彭
又復刻一石以易原本又鏡損流帶右天等字時已摩拓既

久字口六不甚佳由是定武已有三石矣大觀中詔取古石
刻置宣和殿南渡後古刻已無聞焉余家藏有高江邨手跋
薛師正本与此真本相去超絕此本極斌媚而古厚黃山谷
云品古人書以質厚為本旨哉斯言也此本帝墨有寶光古
色照人其中字畫轉折拖絲豪銳畢現無一點一畫不極可
人意者按之姜白石偏有攸翁章黼閣學蘭亭攸一悲合
此非人力所能偽者此真古刻定武原石無疑也是本未經
章黼目覩翰墨之緣亦有定哉 仰之意
平生最嗜右軍蘭亭遂先得懷仁集右軍書聖教序字拓凡
六本唐搨一本作七佛同龕之室以弄之後又得宗搨四本
共藏十一本皆世所希有者也如此聖教序一帖可謂躊躇
滿志惟夢寐此帖慙本者三十餘年今一旦得之曰得後
凡格間以觀山陰真面目其快何似 趙松雪獨孤本余昔
年曾得見之今猶在目中其流帶右天等字已損字跡將近
模糊失真正如百戰老将體無完膚失血過多暮年遂致羸
膚設非早入淩雲圖畫點孰知其真姿爽颯懷若天神哉此
本神采如生極娟秀而翔舞其一種雄偉之氣橫掃千軍也
余品為天下法帖第一右軍法書第一香南精舍古墨第一

默尊者玉牒崇恩三題此閏五月廿八日
 印識分段錄記不復敘其次題首上有香南居士秘笈銘心
 絕品崇恩私印平野墨緣三印帖前後邊上家在雲臺之畔
 冰陽呂士瀉字小瀉印忠孝傳家穆彰阿印韻翁冀野喬炳
 增印平陽汪氏藏書印鄂庭子孫永保子京父印項子京家
 藏項墨林父秘笈之印甲字印下神品王氏藏美謝節送義
 室佛庵主坤遠圖書項元汴印墨林秘玩正華嘉興吳鎮仲
 圭書畫印共九印一半鈐帖上帖首上有崇恩香南載揚趙
 氏子印供岳珂項元汴印馮標志公王氏藏書室印元之共
 十印帖尾工有英蘇私印志珠女史百朱世印金傳鼓印榮
 樞之印汪船讀仰之玉牒崇恩漱。仙館九印斯文政和重
 僑養心快目項子京家珍藏舍文堂印三印半鈐帖上帖後
 綾上孫均曾觀上元弟子元孫歸六陳氏曉嵐目錄未子久
 耆東陽吳台朗印武政之印朱。之印悟章之印劉郎鳳鈞
 都遐年印十三印跋前綾上五印重四一小竺氏跋上水繪
 廣珍藏王跋私印樊氏子厚聲印黃載功記沈燿文印蕙田
 之印三南小隱藏西樵者九印餘八印七半印重文公首行
 跋下有敬美聯珠印跋末有周之冕少谷曹學海印葛山清

芬館西堂六印又二印不可識餘六印重高題下陸莊之印
與題下三印重揭跋項氏三印重徐題下仲宣審定一印項
印重鏡上翁松庵意口省三又號健秋三印陳跋前有潘宣
子番氏錫爵鶴慶堂二口五印餘二印二半印重跋後周元
理印壽和樓印二印冒跋前子京水繪庵鈐健三印重跋項
氏二半印重吳跋前二印重二半印重王跋下一印重張跋
前項氏鈐健二印重崇跋下接健處項氏三印重凡兩鈐印
有極佳者亦有惡俗不堪者未免為斯帖玷備記之以存一
時鴻爪云尔

按定武蘭亭有落水本獨孤本經二趙強藏題跋久已烜赫
于世此奉韓跋中有韓倪肖本崇藝本繆太史寓意錄載崇
芭落水兩種外尚有宋仲溫藏本據半山老人跋言此本曾
與崇芭本對校同為五字未損真本如一手拓出而宋仲溫
本周伯琦跋亦言筆勢中勁外圓八法具備大氏五字未饒
損者蓋未歸薛氏之前本是皆購于落水獨孤二本也崇芭
仲溫二本尚見于寓意錄此奉竟未見著錄物之遇不遇亦
有幸有不幸耶丁酉之歲既倩吳郡陳伯玉梅勒于石置之
于蘭雪齋瀘於此錄中詳其跋語並各家觀款印章冀此奉

榮芝仲溫各本至垂天壤不使落水獨孤二本專美于前吾其為是考之知已也耶

此卷列坐其次次字末筆是一捺有迴鋒縮入兩見定武覆本俱作一點姜翁偏旁攷中均未及之又永和永字一撇略有帶上一趯一捺微有批法具見隸意各種覆本盡失之不獨畫處蕤筆微折轉也此二條似可補入偏旁攷中
夏日於城南觀章覽處所游蘭亭內有一種與此無異當必由此本或榮芝本所出惟不著摹刻姓氏亦無歲月可稽細校後半精神尚不及伯玉摹手 癸卯嘉平既望

舊拓顏井蘭亭敘思古齋黃庭經合裝

此石據筠廊偶筆云明嘉靖中顏工人得于古井中前有思古堂石刻五篆字下有唐臨絹本四楷字蘭亭後有永仲墨妙筆精二印識者定為褚河南筆竹雲題跋云顏上本董宗伯目為米臨正恐未然米雖天才超軼而一種清和廣大韵度故當遠遜前賢良非河南妙腕焉能到此其說是也此拓蘭亭上有蘭亭敘唐臨絹本七楷字黃庭上失去思古齋石

刻五篆字至蘭亭後尚有張登雲一跋此六剪去附錄于後
備攷帖裝四洲首頁上有文起堂珍藏張觀百鑑賞二印
邊上有武進費氏兆鋌之印朱氏子青三印末頁綃邊上有
大鄒觀款黃庭裝五洲首頁綃邊費朱三印全末頁綃邊上
筆間跋三行其帖之妙處前人具言之無待贅言也

二帖右軍真迹不傳惟虞永興諸漳州歐陽率更臨本盛傳
使而寢遠寢廢如真賞齋傳雲館諸刻不足觀此刻久塵穎
上學宮相傳學址舊在城南外闕因民間掘井得石洗而視
之迺出此焉然穎上勘鏡古者歲月澶漫不可攷余索而諦
識風神通勁大近褚筆蓋唐文皇以館閣摹本散置蠻貊間

疑其一云 龔邱張登雲跋
康熙丙子正月廿二日山陰楊賓觀

黃庭真揭舊留穎上近為上官徵取其縣人掘碑之有摹本
在鎮海縣余向時所見皆鎮海者去歲送慈仁廟市購得穎
上一本與鎮海本校之皆用反鋒乃知原相之可貴也此六
鎮海本 西溟

此本果出鎮海与否余不能辨但就生平所見當以此為最
若輩間所得慈仁本余曾見於京師邸舍雖亦似諸筆恐未

能出此本上記此以問輩間不識以余言為何如也 耕夫
楊賓 子惠卿

同治元年清和望後古雍朱子清觀 續
同治十二年五月五日購於京師廐市之論古齋武進費光

銀書以識幸 續

大蘇先生世稱楊孝子觀其題跋在康熙三十五年至今已
三周甲子矣無論帖之佳惡即此真迹數行亦當什襲藏之
况又有西溪妙墨耶 光緒丙子正月廿二日銀又書并

穎井蘭亭黃庭余凡藏三冊一為家傳本蘭亭與此冊相似
黃庭揭在此前其一冊俱拓在此後矣尚有殘石一冊為碎

漫所拓存字無多四冊相較確為一石特此冊濡脫甚精耳
臨謂神龍真本不可見如蒙同快雪齋海各種諸臨本皆重

摹者惟穎井尚可見諸臨妙蹟度舟謂一種清和廣大韻度
誠有非它本所能及者此為宋刻原石無疑輩間一時失考
目為鎮海大蘇碑之是也取復本對勘自見

舊榻蘭亭集勝六種 瓶齋空舊藏

第一種何氏蘭亭即東陽本也原委具見何張二跋中雖非
定武原石亦非定武覆刻之二本然宗刻無疑松雪謂石刻
既亡江左好事者注：家刻一石者也此本拓至精所藏數
本元無能及之者石在金華府有以拓本見貽者疑經磨洗
剗鑿無復真面矣
何氏蘭亭石前十八行欣悅起猶不止是一石後十行能不
起隨化止又一石兩石拓出將畧線截斷硬接成一紙此段
原委惟山陰楊大猷先生曾言之詳究如翁閻學軍鑑先生
未之知也十年前曾收得一本下接十行之首有隨化終字
猶未割去可證大猷之言非虛同年呂定子所藏何氏蘭
亭後有先大夫題識手蹟故錄於此 虔麟
按近拓前一石至向之所止欣悅一行在下一石第一行下
缺猶不二字間字泐處較此轉少細宋確是重摹此一行以
補者豈前石缺失末一行以沒石所餘一行刻之耶
第二種江都本此本不多見傳聞淡有松雪跋謂與所涉獨
殊本無異此則不然或是覆刻非江都原本也庫字一暨富
無理與類上本同崇無三小點中一點一暨却有微斷之勢
處似有點却與中橫相連中與定武真本合者雖字無點聽

字右十有一曲点字四點第二攬字見上多一筆它復定本皆不若是

第三種類并本原石舊拓

類并本有某武并翻刻本俄毫畢肖幾令精鑒者為之日眩

原石辟後翻本六復見重于時此則原刻精拓也振甫

按真類本氣字末末一點与气皆處不連和暢之暢日外有

一小帶筆却不相連遊字走折處迴一小圈精拓皆可見覆

本盡失之以此辨真贋百不失一

第四種國學本即退谷侍御未見柯本以前所藏服膺者也

又曰天師庵本此拓極先字多缺潤近拓字甚磨滅僅存形

似耳以時露趙法頗有疑為松雪所摹者余以為六字刻之

一種耳

定武真本目所未親若國學本之潤態肅穆其氣息自在諸

刻之上倍此舊拓近本不易多親也振甫

第五種潤中本六曰秦藩本是山定武五字未損本摹勒者

其与定武小異蘇米喬蘭亭攷已詳辨之規模具備特巨雄

厚之氣殆明時刻法已与宋異矣

閩中本明秦藩取內頒定武本摹勒上石故覺典型尚在前

刻右軍聖教序舊在西安武廟閣原石近已不存矣振甫
同治壬申十二月初旬偶游殿肆購得此冊雖種數無多而
歐褚兩派居然具備東陽國學兩種指墨豈舊可寶也振甫

第六種上黨本小稱長治本定派而兼有褚臨風韻未刻董
跋勒不甚精又有程一敦徐書題識兩行董跋後又有咸陽
程一敦杏牧藏石于寶蘭山房小隸書後附閩中本拓較精
湛而不及前一種之神韻蓋拓已存後矣

此即通谷銷夏記所載長治本與穎井本並稱為宗刻者也
筆意婉妙如落花依草翻可愛振甫識

通谷翁銷夏記謂此本與穎井本無異今觀兩刻殊不相類長
治之虛和婉妙大異於穎井之峭逸道勁也董跋幾目此唐
刻而草籀間學瀕以穎井本為脫胎於神龍疑出自宋老之
手昔人衆訟之謂豈不信然振甫

卷題蘭亭五種東陽江都穎井天師庵秦藩類蘭石先生書
蓋後二種續得裝入者故重一闕中本也東陽本前有宋唐
印帝邊上有綠云巢玉環飛燕誰能憎牧詮審定三印末有
一片冰心在玉壺播州太守二印江都本前有汪喜孫印帝

邊上結翰墨綠澄清墨妙之室二印又玉環一印末有祕書
外監子紱真賞二印一印不辨帝邊上書畫備一印題并本
紙邊上有綠云玉環二印末有焦氏墨泉印天師庵本帝邊
上綠云玉環二印末有子穀印紙邊只恐誤落俗人手一印
泰藩本前有墨泉印紙邊綠云玉環二印前後副頁俱有澄
清妙墨之室印

舊捐摹定武蘭亭鐫損五字本

蘇米齋蘭亭考謂潘氏祖本崇字僅見右一點旁注云即世
兩行偽絳帖之第二本此冊崇字存右點與絳帖之第二本
同而招手精良鋒穎畢露其潘氏之祖本缺中斷計缺室之
內下一行回寄兩存半字當其欣微損帝有簾紋細潔可愛
帖首有陳字圓印尾有稚彭印

蘭亭石刻甚夥前人聚訟紛紛：此刻宛然定武實是佳本不
必在針孔金龜九脩八潤也可稱嘉慶丙寅小春嘉善錢
機觀并識

蘭亭定武祖本既不可得翻刻之本無慮百十種皆謂之定
武此本五字已缺而石復中斷實定武脫本也玩其精神結

撰光采奕奕不可多得之品矣遠愛其珍藏之
秋室拜

觀附識於尾
是冊蘭亭初詩未嘗細攷嗣得真定武本校之乃知此種確
由五字損本摹勒在定武本中精品也無怪撫棠秋室而先
生俱極稱之闕中本僅存骨幹自不及此之骨月傳勻不淨
真定武即此亦可略見一斑矣
段曾氏八種蘭亭內有此種錢樸溪跋謂石藏吳門謝氏乾
隆庚戌秋石燬于火拓本遂鮮則與緯帖中第二本非出一
石可知已

舊拓撫定武蘭亭鏡損五字本

此拓帝墨極舊字畫甚肥覺雄渾古厚實勝前本惟未詳所
出與前種合藏亦可說一瘦本一肥本也與它本異處崇字
三點俱全雖字無點六字四點皆與真定武合帖上卿覽二
印疑偽稍邊上有餘讀盒、西園所藏二印帖尾有愛吾廬
周氏鑑定任氏子明世襲一等忠勇公之印子孫、永錄
用娛清書屋七印尚有二印不盡可辨

舊拓蘭亭類上學宮本神龍本二種

學宮本殊拓大致與類井無異惟永和九年一行前題類上
學宮本五楷字山左陳壽卿太史跋三行書其下引鈞廊偁
筆云：是誤為類井本北平李氏後二跋六引張登雲跋並
畫禪室隨筆上誤為類井豈陳李皆未見類井本前題唐臨
絹本者耶是可怪也帖中氣字末一點不連暢字日外亦有
小彎游字拓漫一圓不可見而類字下又筆上與類井同特
神韻不足殊遜于類井也
神龍本凡藏四本此本為最舊筆意飛翔動宕有不可捉摸
之勢豈即章谿先生所稱四明范氏石本為豐南禺刻于烏
鎮王氏者耶帖前有陳奕禧印後有曾為平壽陳介祺藏北
平李氏所藏口伯子鑑賞三印曾見翁考神龍本數條附錄
于後

予所見神龍本皆有貞觀神龍開元大觀諸印惟王秋坪所
藏本致佳而無前後諸印予既為手摹入石矣四明范氏石
本即豐南禺刻于烏鎮王氏者亦有神龍諸印而筆法膝諸
本不啻倍蓰矣治亭宗伯得一舊拓乃無諸印而圓潤又在

范氏石本之上蓋宋刻宋拓耳王斯文下本無諸之印
頤園通政持冊藏星鳳樓帖十二冊宋本無諸之印來看此諸臨在申集之

首即右亭所泐本也
頤園再收蓋離取宋人秘閣諸刻摹成者即以此諸臨蘭亭

細對視四明本無一處不同而神理圓渾淵雅勝四明遠矣
第六行強之脚底縮上二分許細十一行末仰字針眼尚具

四明本無之
以上翁致天一閣褚氏蘭亭諸跋節錄者據後二則此神龍

本雖有神龍等印而強脚不縮仰有刻此字附于四明本矣

舊拓姜氏蘭亭前一本

此即王虞舟目為集聖教蘭亭也石藏姜氏筆間按跋稱一
石刻而面此其前面一種也筆意涵脫圓潤別有一種風趣

帖前帝上有清涼竺書屋竹南州堂臣瑩章映山珍藏三年
从上東西岳獨馮全游內外邊五印末有爵林章雨園伯子

二印跋末頁有寶沙堂陳氏收藏印
蘭亭是右軍書第一此本是蘭亭拓本第一趙子固所泐蕭

千岩藏本未知視此伯仲何如耳此王阮亭跋林展原藏本語也張青雨携示寓坐余出此本較視之雖帖式各別而點畫毫髮不少異此亦拓本之佳者耶 康熙庚辰七月七日抱雪簪茹芝識

時寓芥子園

此姜太史甲子冬贈余者其時同客都門情懷甚契憶出此贈余時蓋不勝愛惜踟躕久而卒以見贈知友朋之愛更有甚于愛此者矣此義結於中者村二十年今太史已物化每一緇翫不禁愴然太史名震英字西溟慈谿人其曾祖與余曾王父金谿公有誼誼云七夕後二日謹識于萬佛寺之西廊茹芝

增

此石今猶藏太史家太史世精書法有由米矣又識此潘松陵云宋時蘭亭有百七十種今不得見余所收有二十餘種此種得翻刻本前有賜潘貴妃四字御筆後有朱晦翁及東屏僧跋宋榻未有題跋 元春聖教序所集大半用此此果右軍真蹟耶抑定武本乃歐陽率更所臨此出虞褚輩手耶東屏跋語戒其徒世守勿妄示人趙子昂入都嘗假諸東屏不得得獨孤長老定武本作十六跋頗致恨于東屏蓋此本與定武本絕異云抱雪

余同年友姜葦間家藏蘭亭石刻二種其一與高麗撰文庫
本無二其一則此本是也云俱是褚登善所摹余曾以宗榻
廟堂碑帖貽葦間易此二本手自裝幀後為俗子取去其人
已化為異物不可復得而余老友亦亡矣今於抱雪處復觀
此冊不禁潛然而有感也高麗本葦間得之於納蘭君上有
撰文庫字中問興字下畫有煒筆較此本尤飛動然此本
是近今第一抱雪其寶藏之庚辰冬十一月汪士鋐記
西溟館丈向曾詒余蘭亭一冊最所珍賞今見此本不獨神
情高古倍覺過之而其中如賢字疎字痛字六字之類結構
尤絕不相同豈其家藏有兩石耶侯官林吉人所藏善本今
夏曾於隱綠軒中見之果與此象髮不與余將從何處購之
得與兩君成鼎足之勢乎 涇陽劉灝識
西溟先生所藏馮摹蘭亭舊而古已足珍翫以此帖較之尤
覺神氣完足自別是一本無疑其有舊處亦正其古處真可
寶也惟舊則古吾於西溟先生不禁有感焉而並以誌吾友
之不忘舊交其古道逼人云 北平有德識
唐人書虞歐稱神品褚河南則行以八分源於篆籀米顗推
論之至云顏出於褚然要其寔無不返會稽奪胎觀仁壽宮

夫子廟堂及長安馮翊聖教可見矣所謂昭陵永閔千季蹟
定武猶存幾樣碑者蓋真跡之難如此也茲冊為西溪太史
藏本持以贈抱雪長兄者鋒畫逸朗町畦絕無李北海曰學
我者拙似我者死較諸家摹傳如萬馬奔騰驕驕獨先豈可
以形似擬乎抱雪為吾曾大父年友哲商與余兄弟有世誼
偶游下里酒酣耳熱出以相示且悲太史之九原不可作也
斯文淪喪共為感慨者久之 壬午花朝測中左輔邵陽康
乃心

昭陵太史

米襄陽以畫易蘇耆家藏蘭亭評其率意落筆真是褚法王
弇州常謂歐本宸得右軍嚴正氣歐褚天分二公鑒別至審
余向自西溪獲此搦勢絕飛動信出登善嗣又得何氏斷本
骨古神邁驚出信本自許斐壁抱雪今冊與余所得出一貽
褚臨奚疑再購何氏歐拓百世寶之雖與日月爭光可也
天泉

汪澗 筆末 七

蘭亭自渡江後世有數百本知書法者但辨其神氣腕力鐵
筆之精即為佳本若必其流傳而自點畫異同此第二義也
此本神氣完足波折自如與聖教初本同一筆法非虞褚輩
高手不能臨也然必命之為虞為褚吾亦未敢自信耳 鵲

蘇逸客吳門張翬識

壬午二月客館陽縣署董二尹以何氏斷本見贈果如天泉

太史所云骨古神道快玩殊月謹內行笥比即有小丸透報

天泉也既此褚河南臨本也想見古人臨摹古蹟在得其神骨至於本

未面目則斷不改耳 乾隆十有三年戊辰閏七月要東

沈起元識沈起元嘉慶壬戌春二月購藏於竹南草堂海昌查瑩識山映

余得此冊後復見周荇農年丈藏本与此拓皆同後有方南

堂先生跋夢樓先生四跋錄此冊內方跋云：確有可據遐

想懷仁集聖教用定武者七字褚本者三十七字二本可通

者十有四字果如宋金華言此種蘭亭在唐初早與歐褚二

種鼎峙懷仁得以一併集入聖教後人不得經見轉謂之集

聖教蘭亭不知仍是聖教集蘭亭也惜不得起唐升先生而

質之方王跋語附後永禪師以書法名梁陳間法書要錄東觀餘論法書攷書品

諸書止言其寫千文未嘗言其臨蘭亭此帖前後亦未嘗標

識永師名字惟襲於京師見舒檢討大成所藏搨本與此本

同出一石後有宋金華跋云智永臨蘭亭澄心堂物也後歸王晉卿米襄陽謂下真跡一筆遠出馮湯諸人摹本之上時有周惠明工於刻字遂摹勒上石世所謂洛下本也宋公博聞廣見言必有據但觀此本全是聖教筆意不似蘭亭出於唐人或嫁名永師耳使果為永師手臨則懷仁衣鉢固有由來矣乾隆癸未三月廿二日貞觀識

香光論書語：皆從實脩實證而出不倚考據不拘成見余最服膺獨謂聖教為懷仁自書且刻集為習此論未公吾不憑也試觀聖教中凡蘭亭所有之字何一不採羣字一豎中空迤字迴鋒向左尤其信而可徵者然則蘭亭似聖教復何疑哉

習大王書者能從聖教悟入蘭亭不使蘭亭流入聖教便是

力爭上流法正不必過抑聖教也

細觀此帖與聖教大相逕庭聖教鋒銳迅捷大類褚法此則

金和玉粹純似永興凡觀書必臨撫後始知未可以皮相論也此帖臨之數過乃知與永興積時帖相似世傳永興得筆法于永師益信而有徵矣乾隆四十三年夏四月丹徒王文治獲觀茲借臨

舊拓玉枕蘭亭敘

相傳蘭亭鐫影縮本始于率更後世所行玉枕本則貫秋臺
命廖為洲所摹刻之靈壁石者在秋臺當日或曾藏有率更
鐫影本重摹入石抑因鐫影本不可見特取定武縮摹以仿
為之均未可知知伯芥子於須弥誠足為蕤林中增一番攷據
也余留意搜訪鮮有善本後得丁南羽白描蘭亭圖卷後粘
有此帝字畫道鈎得率更法其刻法樸厚六近宋人所為特
無印記可徵難以臆斷耳後附旁如所藏綠筠亭本筆多圓
潤雅似定武前有右軍像並賈似道印知由靈壁石所出也
本跋云原石為蘭閣所藏求拓不可因重刻之不知蘭閣者
何所指也亦有右軍像賈似道印後章璧庵六貽一本頗類
徐刻無右軍像石前下角已有泐紋而種摹刻皆不精略存
形似耳
余搜集蘭亭約三四十種獨少開皇只一影本耳真定武為
蘭亭墨王此下茲錄所載凡十二種首顏井者真神龍不泐
見諸本當以顏井為最古最妙次何氏江都天師庵秦藩上

黨中斷本肥本皆定派也穎上學宮神龍兩本皆褚派也若姜氏玉祝此蘭亭別種不能不抑之於後矣拓雖不能盡古要皆單行善本餘散見于各帖及明以後所摹者皆不以闕入焉

舊拓玉版洛神十三行二種

第一種白玉本也龔定庵學海談龍云雍正八年庚戌漁人得于西湖葛林園上有萬痕不及碧玉本之肥古而以神采勝董氏得之以歸制府李銍進于朝在董氏才十日李五日人間拓本皆此十五日中幸而留出者其石至嘉慶三年乾清災毀於火此拓筆意虛和與碧玉有不盡合處字中直一貫惟此疎直以神韻勝耳萬痕與碧玉不盡合處字中直一貫惟此本為然剪裝三開第一開帝邊上有王澐印鄒江李氏文房二印尾上汪心農珍藏蘇鄰鑑藏印二帝邊能靜徑眼印第二種碧玉本即杭本也晉字略有墨汚實未中泐拓雖稍淡筆意宛然而藏四本中此為最先上裝三開首頁帝上有李氏文房印末三印與上一種同上粘簽曰武林綠石本十三行湛翁印蓋葉潤筆也

此武林綠石本今世推為諸刻中第一然筆法方整頗類松
雪豈即其摹刻耶昨出余所勒鈎唐臨墨跡與楚萍道兄鑒
賞之不覺咨嗟歎絕惜楚萍猶未見其真本古人墨跡日就
零落雖刻本之善者將不多得則楚萍之寶愛此帖未為過
也 戊寅八月六日姜宸英記 潘商賢

世傳洛神玉版十三行有二一白玉本一綠玉本皆希遠之
物試硯齋魚得之而裝成一冊洵勝觀也 毘陵唐荆川所藏
本董文敏亟稱之以為晉人小楷宗極大抵荆川本起忽經
宕不可思議二玉版皆渾厚圓妙各擅所長臨池家宜參觀
之 晉唐風格不外於斯矣 嘉慶三年戊午中秋前三日丹
徒王文治觀并記 王

夢樓先生題二卷內曰玉版十三行二種試硯齋收藏佳本
外曰玉版洛神二種試硯齋收藏佳本有王氏禹卿夢樓印
內有心農秘玩印

陸冰修先生云賈秋壑得子敬洛神十三行鐫於子蘭碧玉
萬厯間或從葛嶺所地獲之歸秦和令陸夢鶴朱文盛云此
非宋刻也乃錢塘洪清遠所刻余從祖四桂老人親見玉工
鐫字是二說者向未知其孰是 甲申三月於維揚吳禹聲家

見宋拓本与此微豪無異但我字戈法尚細宣和印宣字尚
全耳始信字時已有此刻若洪氏本六於維揚杜氏見之妍
媿不啻霄壤文盡後聞四桂老人之言遂誤認為一不知其
又近此本翻出也至陸說予六未敢深信蓋此刻獨有宣和
印而無悅生長字印又無米友仁印跋與容堂所載秋壑家
晉時麻牋不同豈秋壑所刻非麻牋耶抑此玉不刻于秋壑
而刻于宣和耶自泰和後又經觀樞葉氏王氏數年前轉入
京師主者意欲問售予謂同里諸公曰此吾浙舊物也豈忍
使之流落于此蕭軒先生則替學嶺南貽予墨拓數本且函丙戌間予客
閩中蕭軒先生則替學嶺南貽予墨拓數本且函丙戌間予客
源曰為述所聞見如此若夫字之秀勁圓潤行世小楷無出
其右者趙文敏題曹娥卷云親見呂仙聞吹玉笙予於此刻
亦云康熙四十五年正月八日山陰大縣山人楊賓跋
右帖圓勁瘦硬運腕靈活剝蝕之餘祇稱見精采其為宋刻無
疑非近代所能規摹也得吾友可師論定益信癸未之春持
節嶺南攜之行篋至丙戌立秋日謝任蕭然無事以端州一
片石識其本末後人其慎守之毋忽白沙山樵翁萬年謹書
予謂碧玉本十三行當以大觀山人所攷為定論白玉本當

以龔定庵學海談龍一則為的據不等虛無懸擬之詞餘說
紛紜概可芟除惟杭本後拓者多失去楊翁二跋後人將不
得知也特錄于右備攷至白玉棄字一直不斷傳說已久未
知所本得此證之知其言之不誣也

精拓杭本洛神十三行

此本拓稍後而極精為吾齋杭州玉版五種之一裝三洲首
有羊舌楊繼震二印第四洲上止一和字上有煖又雲秘笈
又雲收藏蘇陸齋四印有冬心先生題簽曰十三行稽留山
民題記後附拓印石上鐫張燕昌所書十三行并沈宗憲書
洛神拓本極精
雲帥神光宛洛川砥硤小枕想同鐫白麻真影依稀在不數
當時寶刻編三行
謝士名王等色絲今編王王可梅華二起却怪師臣無身思不將
采穎兒瓊姿瑪瑙莊荒蔓碧燕記括瓊蠟問瑤琬野驛
題朱雪田舊本碧玉十三行三絕句今歲八月更得此本付
僮成為文函間課茲寫三什于冊後同治乙丑古重易日又

翁記

舊歲購得林未文清儀閣所藏玉版洛神十三行二冊一整
標一割裂林未文清儀閣所藏玉版洛神十三行二冊一整
冊偏有完泐一如張氏割本較之蘇齋藏宛似無不及用蓄
為吾齋第五本 又翁藏
按楊氏玉版十三行五本予得其三整本為楊後邨前輩得
劉本未見據跋與此本無異余得李氏文房二種及裝入晉
唐小楷一種六得碧玉五本

宋拓智永真草千字文

張林未跋永師千文謂當時行世甚多皆已不存存者惟大
觀一刺耳相傳此石殊稱夜光一行明初拓已泐一道無泐
即宋拓末尾薛跋下有姪方綱摹四字小字不模糊者宋拓也
明初拓已模糊矣後並無此四字又傳舊拓本四小字下尚
有李壽永壽明刊六字与方綱摹四字並列此本殊稱夜光
一行無泐痕薛跋下有姪方綱摹四字不甚模糊惜以下割
去李刊六字不見審其楮墨濃厚筆意腴潤雖略有剥泐當
是南宋之季拓本帖裝二十二開末有劉氏家藏瑞楠子健

三印跋後有孫漢之印雖無題跋不失為舊本也
再見真草千文帖雖極舊拓玄字無不朗然者向嘗疑之後
閱宋廟諱始祖玄朗則玄字亦宋諱也其中匡字諱字皆闕筆
則玄字缺點無疑矣惟朗字此本缺後拓乃不缺或為後人
添鑿又若敬字恒字殷字却皆不缺則又何也

初拓安刻孫過庭書譜

唐人能傳晉人草法者孫過庭書譜一種而已太清樓拓本
未之見傳雲館刻尚覺神氣未完惟國朝安刻乃由墨跡
摹勒子墨跡現缺又有陳香泉先生釋文一卷最為精善此冊
得之江右戴氏拓法精良筆意盡見祇下墨跡一等耳曾經
回祿每頁下角略損一二字嗣又得一冊雖完善不及此損
遠甚矣
或云安刻書譜全後有一翻本神理畢肖可以亂真惟第九
開五行第二字書為之書小有異同予未之見記此以待賞
鑒家審別也

舊拓傳雲館晉唐小楷六種

傳雲小楷摹刻最精殘失亦最早蓋經待詔父子鑒定徑營
志取古搨善本得章簡父細意摹勒清勁撲茂獨出冠時全
石後歸寒山趙氏繼分藏武進劉氏常熟錢氏後為畢弁山
購全簿錄又入桐鄉馮氏構貽雲居置之然黃庭樂毅而帖
已覆刻充補矣余收一全冊其小楷一卷悉是覆刻充補者
是所殘又不止黃庭樂毅也是冊始為四種黃庭殘字曹娥
碑洛神十三行靈寶度人經外舅昇以陰符經一種為精美
石先生石綠題字又得破邪論序一種合裝一冊致為精美
嗣得一殘帙內有樂毅全本畫像贊臨兩舍帖宣示表護命
經晉唐小楷八冊內有樂毅海字本宣和十三行心經臨昨
疏還示帖又得一黃庭全本計十種止少仙壇記陀羅尼兩
種而已

右傳雲館凡四種小楷信都王偉亭藏本也摹拓並佳而曹
娥碑尤為精妙近今如此者殆不可多得矣甲戌五月五日
武進費兆鈺識

經亦是傳雲館舊拓本他日當檢出同裝則傳雲帖中精華萃是矣

振甫觀於瓶齋并識

跋

此傳雲館精拓本學小楷之津梁也庚戌九月七十老人識侍詔工書紹晉賢傳雲楷法手親鐫抱殘莫笑真癡絕一冊相依廿五年

照明石墨人間

少博古終須避一籌幸有傳雲踐拓在晉唐風格至今留

戊戌冬日展玩偶題

舊拓墨池堂二王小楷兩種

摹勒小楷之妙無過于傳雲墨池而帖然傳雲猶可見墨池直不可得癸未之春曾見一冊有黃庭樂毅數種為崇兩齡中丞舊物議值未就為人易去十數年來留心搜訪僅得此冊雖止兩種而二王之楷法具在黃庭經六開有半前有裴崇錫印名辛二小印末有綠野舊堂跋宕文史二印又吟餘閣筆聽曉鳥請罷推窗數落花一印最精十三行兩開下有裴崇錫印此外尚藏有佛遺教經一冊趙陰符經道教經二種皆墨池原石至行世之墨池全本皆是覆刻即晉唐小楷中所集各種不過覆刻之至精者有此規模無此神韵矣墨池黃庭得渾樸之神傳雲黃庭得疏宕之致秘閣石氏帖

外嘗推此二種摹刻最為近古後來各帖錫勑雖極精工不能及矣

光緒二十有九年歲在癸卯嘉平立春前一日寫畢

最在京師談金石者道州何緩容太原溫琴舫獨山
莫子德吳縣潘伯寅順德李仲約華亭沈均初會稽
趙振林數君者皆重碑而不喜帖南歸後見貴西
藏所收漢碑宋帖無非古拓歎為絕倫今又見

伯英編修此書其精且博與賈君等而恆碑帖為
四卷又與鄙意適同夫有宋諸刻縱多雜糅然
山陰筆法賴以津逮今乃於北碑南帖強為軒
輊不已偏乎吳氏筠清館帖鑑程氏南村帖考皆
數傳本 覃谿先生題跋集中所載不及三四此

編出卽作帖鑑帖奔觀可也滄海橫流疆場日蹙
好大王關特勤等碑將淪於大漠沙漠中求如
柁場墨本而不可得矣書以志慨

光緒癸卯歲除松禪居士同龢記

甲辰春仲偶游春申江上花朝之夕於江南烟雨樓
遇一客焉美脩髯丰姿絕俗年可四十許口操蜀音
心異之相與酬答各道姓氏似曾識予者茗次縱談
時事與中西學問及書畫碑版所論未中肯綮
間謂予曰君精鑒別富收藏能一窺清秘否予謝不
敏曰何以知則曰耳君名久幸得相見耳予行篋通
携此錄翌日約至旅舍晤之客一披覽贊嘆欲絕
詢近得割蹟否予謂天下尤物聚于一家易為造物
忌十餘年來不復向津矣倘得知音尚欲分贈公之

同好客愕然曰信耶予曰後不作誑語敢相欺客有
竟耶曰初相逢安可割人愛予曰無妨也明珠忌暗
投公巨眼尚何患任所擇可客迺據目標識許百數
十種居數日歸虞客與俱即所標者出之欣賞累
日不合客意者三五種耳乃別去所酬頗豐予四十
年精力所聚雖一旦舍之未免憮然而既欣名蹟之
得所復喜買山之有資非僅致雲林故事以自鳴高
也自序有云有缘而聚緣盡而散真語識矣因亟
付石印編致同好以見予固寓意于物而不滯于物

者孟夏浩佛日息居士跋

跋後復贊三絕附錄于左

半生喜与古為緣名跡搜羅四十年留得一
編鴻爪在不教過眼等雲烟

聊為古人好護持強分彼此家堪嘆不忘瓶
麈齋中語曠達胸懷是我師

什襲權留秘篋珍偶然脫手六年前因雲林一
去風流歇六百年來無此人

翌日息盦又題

[illegible]